



4729

3836b

1926

1926

414

3836b

ԱՌԱՋԻՆ



ԸՆԹԵՐՑԱՐԱՆ

ԿԱԶՄԵՑ Ա. ԲԱՀԱԹՐԵԱՆՑ.

ԹԻՖԼԻՍ

ՏՊԱՐԱՆ Մ. ՎԱՐԴԱՆԵԱՆՑ ԷԻ ԸՆԿ.

1882

ԱՌԱՋԻՆ

ԸՆԹԵՐՑԱՐԱՆ

ԳԱԶՄԵՑ Ա. ԲԱՀԱՌԻՆԱՆՑ.



ԹԻՖԼԻՍ

ՏՊԱՐԱՆ ՄՈՂՍ՝ ՎԱՐԴԱՆԵԱՆՑ ԵՒ ԸՆԿ.

1882

4779



1. Այս «Առաջին Ընթերցարանը» տրուում է աշակերտների ձեռքը «այբբենարանի» նիւթը մշակելուց յետոյ:

2. Ընթերցանութեան մեքենական լաջողակութիւնը վարժուում է այն նիւթի վերայ, որ աշակերտներին ոչ թէ միայն ծանօթ է, այլ և սիրելի է դարձած: Ուսուցիչը այստեղ հարկաւորութիւն չունի ժամանակ կորցնելու ընթերցածի բովանդակութիւնը բացադրելու համար:

3. Բարոյագիտութեան ու հայրենագիտութեան նիւթին մենք մեծ կրթող նշանակուէնք տալիս, ինչպէս այդ կարելի է տեսնել մեր «Ուղեցոյց հայ ուսուցիչի» աշխատութիւնից: Ուստի և ցանկալի էր, որ առաջին տարուայ մեծագոյն մասնը գործադրուէր դոցա վերայ, և «առաջին ընթերցարանը» տրուէր աշակերտների ձեռք միայն այն ժամանակ, երբ արդէն մշակուած է թէ բարոյագիտութեան ու հայրենագիտութեան նիւթը և թէ այբբենարանը: Այդ պատճառաւ և մենք կարծում ենք, որ նպատակարարմար կը լինէր դասերի թիւը տարուայ վերայ բաժանել մօտաւորապէս այսպէս: Շաբաթական դասերի թիւն է 24: Դպրոցական տարուայ սկզբից մինչև Փետրուարի 15-ը բարոյագիտութիւնից ու հայրենագիտութիւնից նշանակուում է 18 ժամ, թուաբանութիւնից 3 ժամ (6 կէս ժամ), կարգալ

Дозвол. цензур. Тифлисъ, 10 Юня. 1882-г

Типогр. М. Вартанянца и К°, Троиц. пер., д. № 11.



I. Մ Ա Ս Ն.

1. ԵՐԵՒԱՅ ԵՒ ԾՆՈՂՔ.

Եւ երեխայ եմ:

Եւ ունիմ հայր և մայր:

Հայրս ու մայրս իմ ծնողներս են:

Իմ ծնողներս ինձ կերակրում են:

Նոքա ինձ տալիս են զգեստներ
ու կօշիկներ:

Նոքա ինձ անկողին են տալիս
քնելու համար:

Իմ ծնողներս ինձ սիրում են:

Եւ էլ եմ սիրում իմ ծնողներին:

2. ԵՂԲԱՅՐ ԵՒ ՔՈՅՐ.

Եւ ունիմ մի եղբայր և մի քոյր:

և գրելու նախաձեռնություններին (գծագրու-
թիւն, վերլուծութիւն, իսկ յետոյ այբբենա-
րան) 3 ժամ (6 կէս ժամ): Փետրուարի 15-
ին մինչև դպրոցական տարուայ վերջը երեխա-
ները գլխավորապէս զբաղւում են կարդալով
«առաջին ընթերցարանի» նիւթը: Այդ ժա-
մանակամիջոցում ընթերցանութեան վարժու-
թեանց հետ զուգնթաց յառաջ են գնում և
և ուղղագրութեան վարժութիւնները:

4. Թուաբանութիւնից մենք բաւական ենք
համարում առաջին տարուայ համար 1—10:
Հակառակ դիպուածում, ուր հարկը պահան-
ջում է դուրս դալ այդ սահմանից, այնտեղ
«առաջին ընթերցարանի» II մասնը հարկաւոր
է թողնել երկրորդ տարուան, որով և ձեռն
կը բերուի բաւականաչափ ժամանակ թուա-
բանութեան համար:

5. Աւելորդ չենք համարում այստեղ յայտ-
նել մեր խորին շնորհակալութիւնը Գէորգ
Դոդոխեանցին, նորա մի քանի ուսանաւորների
համար, որոնք և մենք մեծ ուրախութեամբ
ընդունեցինք մեր «առաջի» ընթերցարանի
մէջ: Դոքա են № № 10, 34, 30, 40, 42,
43, 55, և 59: Սոցա արտատպութեան իրա-
ւունքը վերապահուած է: Մեզ իբրև աղբիւր
ծառայել են նաև Պատկանեանի գրուածնե-
րը, որի անունը երաշխաւոր է նիւթի գեղեց-
կութեան:

Իմ եղբոր անունն է Արմենակ:
Իմ քրոջ անունն է Վարսենիկ:
Սորա միշտ խաղում են ինձ հետ:
Ես շատ սիրում եմ եղբորս ու
քրոջս:

3. ԻՆՁՈՎ ԻՆՁ ԵՆ ԱՆՈՒՄ.

Արորով վարում են, տափա-
նով տափում: Մանգաղով հնձում
են, կամնով կամնում: Աացինով
կարում են, սղոցով սղոցում: Դու-
րով փորում են, շաղափով շաղա-
փում: Ուրագով տաշում են, կռա-
նով կռում: Ասեղով կարում են,
գրիչով գրում:

4. ՈՎ ԻՆՁ ԵՆ ԱՆՈՒՄ.

Աբաղաղը կանչում է, ագռալը
կռկռում: Աղանին մնչում է,

էշը զոզռում: Կովը պառաչում է,
կաքաւը կղկղում: Արջը մրթմրե-
թում է, խոզը բոհբոխում: Վաչա-
ղակը կրկչում է, ճնճղուկը ճւճւում:
Չին խրխնջում է, արտուտը ծլը-
լում: Աունը հաջում է, կատուն
մլաւում: Բզէզը բզզում է, գա-
ռը մայում: Մանուկը լաց է լի-
նում, զանգակը զնգզնգում: Աօշիկը
ճռճռում է, քամին մռնչում:

5. ԻՆՁԻՑ ԻՆՁ ԵՆ ՇԻՆՈՒՄ.

Սեղանը շինում են փայտից,
կտաւը գործում կանեփից: Աօշիկը
կարում են կաշուից, կացինը կը-
ռում երկաթից: Հացը թխում են
ալիւրից, ապուրը եփում մսից: Իւ-
ղը հանում են կաթից, ճրագը ձու-
լում ճարպից:

6. ԳՈՅՆԵՐ.

Չիւնը սպիտակ է: Եծուխը սև
է: Մոխիրը գորշ է: Հագանակը
թուխ է: Ոսկին դեղին է: Երաը
կանաչ է: Երկինքը կապոյտ է:
Երիւնը կարմիր է:

Կաթը սպիտակ է: Թանաքը
սև է: Եմպերը գորշ են: Դեղձա-
նիկը դեղին է: Խոտը կանաչ է:
Մանուշակը կապոյտ է: Վարդը
կարմիր է:

7. ԱՐԵԳԱԿ.

Արեգակը բոլորակ է: Նա փայլում է ու-
կու պէս: Արեգակից ծագում են շատ ճա-
ռագայթներ: Առաւօտեան արեգակը ծա-
գում է, երեկոյին մայր մտնում: Երբ արե-
գակը ծագում է, լուսանում է: Գերեկ դառ-
նում: Երբ մայր է մտնում, մթնում է ու
գիշեր դառնում: Արեգակը ծագելիս եւ

մայր մտնելիս երկնքի ամպերը փայլում են
կարմիր ու դեղին գոյներով:

8. ԱՐԵԻ.

Արեւ, արեւ, դուրս արի,
Քեզ բերել ենք աչքի լոյս,
Քու քուրիկը լուսինկան
Բերաւ չամիչ մէկ աման,
Ամպը եկաւ, մուխ արաւ,
Չամիչն աչքերէս կորաւ,
Բաց երեսդ, արեգակ,
Մէկ բուռ չամիչ քեզ կը տանք...
Օխ, արեւին խաբեցինք,
Ամպի տակից հանեցինք:

9. ԱՌԱԻՕՏ.

Արեգակը ծագել է: Լուսացել է: Թըռ-
չունները արդէն արթնացել են եւ ծառե-
րի վերայ երգում են: Ես էլ իմ քունս եմ
առել: Վեր կենամ, ի՞նչ եմ պառկել: Սեղա-
նի վերայ արդէն եփ է գալիս ինքնաեռ:
Շուտ անեմ, երեսս լուանամ եւ շորերս
հագնեմ: Թէ չէ դասերիցս կուշանամ:

10. ՀԱՆԵԼՈՒԿ.

Վերեւը ծակ, ներքեւը ծակ,
Մէջ տեղը ջուր ու կրակ:
Այս ի՞նչն է:

11. ԳԻՇԵՐ.

Արեգակը մայր է մտել. մթնել է: Դուրսը
ոչինչ ձայն չի լսուում: Ոչխարներն ու կովերը
արօտատեղից արգէն տուն են դարձել:
Թռչունները քնել են: Երկնքի վերայ երե-
ւում են լուսինն ու աստղերը: Լուսինը
լոյս է տալիս, աստղերը պսպղում են: Շու-
տով հարկաւոր է հանուիլ, անկողին պառ-
կիլ ու քնել:

12. ՀԱՆԵԼՈՒԿ.

Մի քոյր ունինք և մի եղբայր,
Որ ապրում են երկնքումը.
Առաւօտեան մէկն է ծնւում,
Երեկոյին կրկին մեռնում:
Երեկոյին միւսն է ծնւում,
Առաւօտեան կրկին մեռնում:
Այս ի՞նչն է:

13. ԱՍՏՂԵՐ.

Աստղերը նման են մեծ մեծ կայծերի: Նո-
ցանից մի քանիսը զօրեղ են փայլում, մի
քանիսը թոյլ: Աստղերը կարելի է տեսնել
միայն այն ժամանակ, երբ երկինքը ամպո-
տած չէ: Շատ գեղեցիկ տեսք ունի աստղե-
րով զարդարուած երկինքը: Ես շատ սիրում
եմ գիշերը նայել նոցա վերայ: Այդ ժամա-
նակը ես մտաբերում եմ բարերար Աստը-
ծուն, որ ստեղծել է աստղերը եւ շարել
երկնքի վերայ: Մենք չենք կարող համբել
աստղերը, Նոքա շատ բազմաթիւ են: Կան
մարդիկ, որոնք ճանաչում են իւրաքան-
չիւր աստղ:

14. ԻՄ ԱՆԿՈՂԻՆՍ.

Արգէն մութ է եւ ես դադրել եմ: Դը-
նամ պառկեմ անկողնումս: Անկողնի մէջ
տաք է լինում ու փափուկ: Երբ լուսանայ
էլի վեր կը կենամ: Մենք չպիտի երկար
քնենք: Ով որ հիւանդ է, նա ցերեկն էլ
պիտի անկողնի մէջ պառկած մնայ: Երբ
պառկում ենք քնելու, պիտի աղօթենք: Երբ

առաւօտեան վեր ենք կենում: նոյնպէս պիտի աղօթենք:

15. ՏԵՐՈՒՆԱԿԱՆ ԱՂՕԹՔ.

Հայր մեր, որ յերկինս ես, սուրբ եղիցի անուն քո. եկեսցէ արքայութիւն քո. եղիցին կամք քո, որպէս յերկինս եւ յերկրի: Զհաց մեր հանապազորդ. տուր մեզ այսօր: Թող մեզ զպարտիս մեր, որպէս եւ մեք թողումք մերոց պարտապանաց. եւ մի տանիւր զմեզ 'ի փորձութիւն, այլ փրկեա՛ զմեզ 'ի չարէ. զի քո է արքայութիւն եւ զօրութիւն եւ փառք յաւիտեանս. ամէն:

Փառք եւ երկրպագութիւն 'ի բարձունս Հօր եւ Որդւոյ եւ Հոգոյն Սրբոյ. այժմ՝ եւ միշտ եւ յաւիտեանս յաւիտենից. ամէն:

16. ՀԱՆԵԼՈՒԿՆԵՐ.

Ցերեկը աղա՛,	Կը բռնեմ, բուռովս մին,
Գիշերը ծառայ:	Բաց կը թողնեմ տանովս մին:
Այս ի՞նչն է:	Այս ի՞նչն է:

17. ՄԱՐՄԵՈՅ ԱՆԴԱՄՆԵՐԸ.

Ես ունիմ երկու աչք, երկու ականջ, երկու ձեռն, երկու ոտն եւ մի բերան: Աչքերովս տեսնում եմ: Ականջներովս լսում եմ: Ձեռներովս բռնում եմ: Ոտներովս ման եմ գալիս: Բերանովս խօսում եմ: Ով որ չի տեսնում: Նա կոյր է: Ով որ չի լսում: Նա խուլ է: Ով որ չի կարող լաւ ման գալ, նա կաղ է: Ով որ չի կարող խօսել, նա համր է:

18. ՀԱՆԵԼՈՒԿՆԵՐ.

Մի ծառ կայ.	Ճանապարհի աջ ու
Ծառի վերայ մի կալ՝	ձախ կողմում:
Կալի վերայ հինգ տալ՝	Երկու եղբայր նստած են,
Ամեն տալին մի մի սալ:	Բայց միմեանց չեն
Այս ի՞նչն է:	տեսնում:
	Այս ի՞նչն է:

Մի կասթայ ունինք կրակին դրած,
Նրա մէջ մի քիչ դմակ կայ քցած:
Կաթսան հալում է,
Դմակը ձնում է:
Այս ի՞նչն է:
Երկու սենեակ, մի սիւնանի:
Այս ի՞նչն է:

19. ԶԳԵՍՏՆԵՐ.

Մենք զգեստներ ենք հագնում, որ չմըր-
սենք: Ես ունիմ գտակ եւ բաճկոն, շապիւք
ու վարդիք, կօշիկ ու գուլպայ: Կիւրակի
օրը մենք մեր նոր զգեստներն ենք հագնում:
Մեր պաճկոնը գրպան ունի: Գրպանի մէջ
պահում ենք մեր թաշկիւնակը: Ո՞վ է կա-
րում զգեստները: Դերձակը: Ո՞վ է մաշում
ու պատառոտում զգեստները: Երեխայքը:
Ո՞վ է կարկատում զգեստները եւ լքցնում
գուլպաները: Սիրելի մայրիկը:

20. ՄԵԾ ՊԱՐՈՆ ԴԱՐՁՈՂ ՄԱՆՈՒԿԸ.

Մի փոքրիկ, հինգ տարեկան մանուկ միան-
գամ ինքն իւրան ասաց. «Է՛հ, էլ չեմ ուզում
փոքրիկ մնալ. այժմ ես կարող եմ մեծ պարոն
դառնալ»: Ասաց ու հագաւ հօր գտակը, ձեռն
առաւ նորա փայտը և մինչև կէսը գտակի մէջ
թաղուած դուրս եկաւ փողոց: Ով որ տես-
նում էր այդ փոքրիկ պարոնին, կանգնում էր,
վրան նայում և ծիծաղելով ասում. «Է՛յ դու,
պարոն գտակ, ո՞ւր ես տանում այդ մանուկին»:

21. ՈՒՏԵԼԻՔՆԵՐ.

Ես ուտում եմ հաց ու գաթայ, կաթն-
ու պանիր, ապուռ ու փլաւ, միս ու ձու,
լոբի ու մաշ, սիսեռն ու բակլայ եւ շատ
ուրիշ բաներ: Հացը թխում են ալիւրից: Ա-
լիւրը շինում են ցորենից: Յորենը բանում
է տրտերումը: Մլաղացը աղում է ցորենը եւ
շինում ալիւր: Ալիւրից շինում են խմոր,
խմորից—հաց: Բայց ո՞վ է տալիս մեզ կաթն-
ու միս: Մի քանի մարդիկ ոչ հաց ունին,
ոչ միս. նոքա աղքատ են:

22. ՀԱՅ.

Մենք ամիսը մի անգամ հաց ենք թը-
խում: Խմորհունցողը երեկոյին գալիս է,
տաշտի մէջ ջուր, ալիւր, աղ ու թթու խը-
մոր ածում եւ հունցում, դառնում է խը-
մոր: Խմորի երեսը նա ծածկում է եւ թող-
նում, որ հասնէ: Լուսաբացին գալիս է հաց
թուխը եւ թոնիրը վառում: Յետոյ խմո-
րը գնդում են ու շարում: Խմորհունցողը
հացետախտակի վերայ գունդերը բաց է
անում գրտնակով եւ տալիս հացթուխին:
Սա բացը փռում է պատատի վերայ եւ

կայցնում թոնրի կողին: Հացը թոնրից
նա հանում է հացահանով եւ տալիս մօրս:
Մայրս էլ հացերը փռում է, չորացնում,
ժողովում եւ միմեանց լերայ գարսում:
պահում:

23. ՄԼԱՂԱՅ ԵՒ ԶՐԱՂԱՅ.

Ո՞ր տեղից ենք ստանում ալիւրը: Մլա-
ղացն է աղում իւր ջրաղացում: Զրաղացը
ուռնի մի մեծ անիւ, որ ման է գալիս ջրով:
Անիւը պտտում է այն ծանր քարը, որ
փշրում է ցորենը եւ ալիւր գարձնում:
Այդ ժամանակը նա այնպիսի չիկչիկոց է
հանում, որ խօսածը հազիւ է լսում: Ա-
լիւրի փոշին թաշկոտում է եւ լցնում ջրա-
ղացը: Այս պատճառաւ եւ միաղացը ոտից
մինչեւ գլուխ սպիտակ է լինում:

24. ՀԱՆԵԼՈՒԿ.

Երկու սոված գազան ունինք,
Որք մռնչում են ձորումը.
Նոքա աշխարհք են ուտում:
Համ էլ ախարհք են պահում:
Այս ի՞նչն է:

25. ԶՈՒՐ.

Զուրը լինում է ջրհորի, աղբիւրի, լճի ու
գետի մէջ: Զրհորից ու աղբիւրից մենք խը-
մելու ջուր ենք ստանում: Բայց արտերին,
բոյսերին եւ ծառերին էլ է ջուր հարկաւոր:
Երկնքի ամպերն են ջրում նրանց իւրեանց
անձրեւով: Մայրս ջուրը գործ է դնում
նաեւ մի բան եփելու եւ լուանալու համար:
Զուրը ման է բերում նաեւ ջրաղացի անի-
ւը: Զրի մէջ ապրում են ձկներ, խեցգե-
տիկներ, գորտեր եւ շատ ուրիշ անասուն-
ներ: Սագերն ու բազերը սիրում են ջրու-
մը լողալ: Երբ նոքա ջրի ափն են դուրս
գալիս, իւրեանց թեւերից թափ են տալիս
ջուրը: Աղբիւրից ջուր են խմում կովերը,
ոչխարները, ձիանքը եւ դաշտում ու ան-
տառում բնակւող անասունները: Զմեռը
ջուրը սառչում է, գառնում սառուց:

26. ՀԱՆԵԼՈՒԿՆԵՐ.

Կտրում եմ—երկարում է,
Տաշում եմ—լայնանում է:
Այս ի՞նչն է:

Մէկն ունինք,
Որ խօսում է—բերան չունի,



Ման է գալիս — ոտներ չունի,
Մարգասպան է — սուր չունի:
Այս Բ'նչն է:

27. ԱՆՁԲԵԻ.

Անձրե՛ւ, անձրե՛ւ, ցած արի,
Բացո՛ւր ցորեն ու գարի,
Բացո՛ւր ծաղիկ, կանանչ խոտ,
Աւլէ՛ փոշի, մաքրե՛ օդ:
Անձրե՛ւ, անձրե՛ւ, ցած արի.
Գալըդ ամենքիս բարի:

28. ՄԱՆՈՒԿՐ ՍԱՌՈՒՑԻ ՎԵՐԱՅ:

Ձմեռը դեռ նոր էր սկսուել և ջուրը դեռ լաւ չէր սառել: Այդ ժամանակը մի տղայ կանգնած էր մի լճի մօտ: Նայեց, նայեց և ասաց իւր մտքումը. «Ե՛կ, զնամ և սառուցի վերայ փոքր ինչ խաղում»: Ասաց և արաւ: Հէնց որ սկսեց սահիլ, սառուցը տրաքուեցաւ: Դրո՛մի. մեր տղան մինչև վիզը խրուեցաւ լճի մէջ: Նա սկսեց աղաղակել. «Ո՛հ, օգնեցէ՛ք, ես խեղդւում եմ»: Մի մարդ վրայ հասաւ, բռնեց մազերից և դուրս հանեց լճիցը: Ոտից մինչև գլուխ ջրի ու ցեխի մէջ թաղուած նա զնաց տուն: Հայրը բռնեց նորան և մի լաւ դմիեց: Ինչո՞ւ:

29. ՍԵՆԵԱԿ.

Մեր սենեակը ունի չորս պատ. մէկը աջակողմեան, մէկը ձախակողմեան, մէկը առաջկողմեան, մէկն էլ յետևի: Մի պատում գտնուում են լուսամտները, միւսումը դուռը: Սենեակը ունի նաև մի առաստաղ և մի յատակ: Առաստաղը սպիտակացրած է, յատակը տախտակած: Սենեակումը կայ մի վառարան, մի սեղան, մի դարանակ, մի պահարան և շատ աթոռներ: Պատից կախուած է մի հայելի: Վառարանը վառում ենք ձմեռը: Սեղանի վերայ բան ենք անում, ճաշ և ընթրինք ենք ուտում կամ գրքում ու կարդում: Դարանակի մէջ մեր սպիտակեղէնն ենք պահում, իսկ պահարանում մեր զգեստները: Ինչի՞ համար են աթոռներն ու հայելին: Սենեակը մեզ պահպանում է անձրևից, քամուց ու ցրտից:

30. ԴՊՐՈՅ.

Դպրոցում բոլորովին ուրիշ կերպ է քան թէ մեր տանը: Երեխաները կարգաւ նստոտած՝ նայում են ուսուցչի վերայ: Ուսուցչիցը պատմում է երեխաներին լաւ լաւ հէքաթներ: Նա նրանց հետ խօսում է նաեւ

անասունների, թռչունների, ծաղիկների
երկնքի ու բարերար Աստծոյ վերայ: Ուսու-
ցիչը հարցնում է: Երեխաները պատաս-
խանում են: Նոքա պատմում են, կար-
գում, գրում, թւում, գծագրում ու եր-
գում: Նոքա պիտի ուշադրութեամբ լսեն
եւ ջանասէր լինին: Դորանով նոքա կ'ուրա-
խացնեն իւրեանց ծնողաց եւ ուսուցչին:
Աստուած էլ է սիրում բարի եւ ջանասէր
երեխաներին:

Թէեւ փոքրիկ եմ խաղասէր,
Պիտի լինիմ ես ջանասէր:
Զէ՞ որ ինձնից փոքրիկ մեղուն
Ծաղիկներից մեղր է ժողվում:

31. ԲԱՆՋԱՐԱՆՈՅ.

Մեր տան առաջին կայ մի բանջարանոց:
Բանջարանոցը պատած է չափաքով: Այն-
տեղ կան լաքեր: Լաքերում ցանած են լա-
խուր, սոխ, բոդկ, լոբի, բակլայ, մաշ, վա-
րունկ ու ծաղիկներ: Բանջարանոցում կան
նաեւ խոտ ու ծառեր:

32. ԱՅԳԻ.

Պար չկար մի ծերունի: Սա հիւանդացաւ եւ մեռ-
նելուց առաջ կանչեց իւր որդւոցը եւ ասաց. «Սի-
րելի՛ որդիք, իմ ունեցածս չունեցածս այս տունն
է եւ այս այգին: Ուրիշ բան չունիմ, որ ձեզ թող-
նեմ: Բայց այդ այգու մէջ գանձ կայ թաղուած.
փորեցէ՛ք, անշուշտ կը գտնէք»:

Նորա մահից յետոյ որդիքը սկսեցին այգին
փորփրել: Փորեցին, փորեցին, բան չգտան. բայց
հետեւեալ տարին այգին մեծ առատութեամբ խա-
ղող տուաւ: Այդ ժամանակը նոքա միայն հասկա-
ցան, թէ ծերունին ինչ գանձի վերայ էր խօսում:
Ուստի այգու վերայ մեծ մեծ տառերով գրեցին.
«Զանասիրութիւնն է ճշմարիտ ոսկու հանքը»:

33. ՄԱՆՈՒՇԱԿ.

Մանուշակը մի սիրուն փոքրիկ ծաղիկ է:
Նա ունի կապոյտ գոյն եւ անուշ հոտ: Ո՞ր
տեղ է բնութմ մանուշակը: Նա բնութմ է
թուփերի տակ, խոտերի մէջ: Հայկանուշը
բանջարանոցում գաւաւ մի փոքրիկ մանու-
շակ եւ բերաւ իւր մօրը: Մայրը ուրախա-
ցաւ եւ համբուրեց իւր փոքրիկ սիրուն Հայ-
կանուշին: Արմենակն էլ մի փունջ մանուշակ
բերաւ իւր ուսուցչին: Ուսուցիչը շնորհա-
կալութիւն արաւ եւ ասաց. «Շատ ապրես»:

34. ԳԱՐՆԱՆԱԲԵՐ.

Վապոյտ գլխով, կանաչ ոտով,
Ես ծաղիկ եմ անուշ հոտով:
Թէեւ տունկս փոքրիկ է ցած,
Արօտներում միշտ թաք կացած,
Բայց իմ փունջս ամենի տան—
Թէ աղքատի, թէ մեծատան,
Իբրեւ գարնան առաջի զարդ:
Վարէ տեսնել ամեն մի մարդ:
Ես եմ սիրուն գարնան գուշակ,
Իմ անունս է մանուշակ:

35. ԿԵՌԱՍԵՆԻ.

Կեռասենին ունի գեղեցիկ սպիտակ ծաղիկներ: Մաղիկների վերայ թչուկոտում են մեղունները: Մեղունները իւրեանց համար մեղր են ժողովում ծաղիկներից: Մաղիկները թափուելուց յետոյ գալիս են կեռասենները: Նոքա սկզբումը կանաչ են լինում, յետոյ կարմրում են: Ես սիրում եմ կեռասը. նա քաղցր համ ունի: Ճնճղուկներն էլ են սիրում կեռասը: Նոքա թափում են ծառի վերայ եւ ուտում: Նոքա փոքրիկ գուլեր են:

36. ՉԱՐ ՎԱՐԴԱՆԸ.

Մի թռչուն բուն էր դրել Վարդանենց պարտիզի ծառերից մէկի վերայ: Վարդանը ուղեց տեսնել, թէ բունի մէջ ինչ կայ: Նա ճնկոտելով բարձրացաւ ճիւղից ճիւղ: Օհօ՛, նա ծիծաղում է: Չեռը մեկնում է, որ առնէ: Բայց—ճըրթ. ճիւղը կոտրեց. դրո՛մի—նա փռուեց գետնի վերայ:

37. ՄԵՂՈՒ.

Տեսե՛լ ես դու մեղու: Նա ինչի՞ նման է: Քանի՞ ոտն ունի, քանի՞ թև: Գիտե՞ս, որ նա մի խայթ ունի. որտեղից խայթ է, այնտեղ կ'ուռչի: Բայց մեղուն մեզ տալիս է նաև քաղցր մեղր: Մեղրը նա հաւաքում է ծաղիկներից և տանում իւր փեթակը:

38. ՀԱՆԵԼՈՎ.

Անջուր ջրաղաց,
Անկրակ բաղարջ:
Այս ի՞նչն է:

39. ՄԵՂՈՒ.

—Մեղո՛ւ, ասա՛ ինձ, դու է՛ր
Միշտ թռչում ես վայր ու վեր:

— Ամեն օր և օր բոլոր
 Ես գնում եմ դաշտ ու ձոր.
 Աշխատում եմ ես անվերջ,
 Մեղր փնտրում ծաղկանց մէջ,
 Եւ գտածս ես շիտակ
 Տանում եմ խնայն փեթակ,
 Որ երբ փչէ ցուրտ քամին,
 Ծաղիկները թառամին,
 Ես ձմեռը պաշարով
 Լինիմ իսպառ ապահով:

40. ՃԱՆՃ.

— ձանձրիկ, ասա ինձ, դու է՞ր
 Միշտ թռչում ես վայր ու վեր:
 — Փոքրիկ ձանձ եմ՝ զուարճասէր,
 Միշտ թռչում եմ վայր ու վեր.
 Մի հով տան մէջ, մի բակում՝
 Սաստիկ արեւի տաքում:
 Կերուխումից, խաղից ճոկ
 Իսկի չունիմ ուրիշ հոգ:
 Եւ ներկայով բաւական
 Միտք չեմ բերում ապագան:

41. ԹՈՉՈՒՆ.

Թռչունը շինում է բուն: Բունի մէջ նա
 ձու է ածում: Զուն բոլորակ է լինում: Մի քա-
 նի թռչունների ձուն զանազան գոյներով ներ-
 կած է լինում: Թռչունը իւր ածած ձուանց
 վերայ թռչս է նստում և ճոռհանում: Զա-
 գերը սկզբումը լինում են մերկ: Յետոյ փոքր
 առ փոքր թեւաւորում են: Տեսած ես դու
 թռչունի բուն: Դու ձագերին բունից չափտի
 հանես: Մարին իւր ձագերին այնպէս է սիրում,
 ինչպէս մայրը իւր փոքրիկ երեխաներին:

42. ՄԱՆՈՒԿ ԵՒ ԹՈՉՈՒՆ.

— «Մանուկ, խնդրում եմ, աղաչում եմ քեզ,
 Հեռո՛ւ կաց, հեռո՛ւ, դու իմ բունիկէս.
 Մէջը չի՛ նայես, մանուկ սիրական,
 Նորա մէջ փոքրիկ ձագիկներս կան:
 Քեզի որ տեսնեն, կըսկսեն կանչել.
 Մի՞թէ դու կ'ուզես խեղճերին տանջել»
 Բունը ուզում էր տղան տեսնել խիստ,
 Բայց իւր տեղումը նա մնաց հանգիստ:
 Երեկոյ եղաւ, եկաւ իւր բունը
 Ծածկեց ձագերին սիրուն թռչունը:
 Դոհ եղաւ տղից և նորան ասաց.
 «Դու ինձ խղճացիր, օրհնէ քեզ Աստուած»:

43. ԱՍՏՈՒԱԾ.

Ո՞վ խրատեց մըջիւնին
Գետինը ծակել,
Բոլոր ամառ մեծ ջանքով
Պաշար հաւաքել:

Ո՞ւմնից ուսաւ, ինձ ասէք,
Փոքրիկ թռչունը
Յարդից, ճիւղից և բրդից
Հիւսել իւր բունը:

Ո՞վ խրատեց մեղունին
Հրաշալի բանիւ
Ծաղկից մեղր հաւաքել
Անուշ և ազնիւ:

Աստուած է այդ ուսուցիչ
Բարի, անսահման:
Ջանացէք միշտ կատարել
Նորա սուրբ հրաման:

44. ՃՆՃՂՈՒԿ.

Ճնճղուկը մի փոքրիկ թռչնիկ է: Նորա զը-
լուխը փոքրիկ է, կտուցը բարակ ու սուր, մար-
մինը մի ձուի չափ: Իւրաքանչիւր ոտի վերայ
ունի չորս մատը: Նա մի ուրախ թռչնիկ է, մի
տեղ հանդարտ չի կանգնում: Միշտ մի ճիւղից
միւս ճիւղը, մի ծառից միւս ծառն է թռուչ-
կոտում: Իւր բունը շինում է պատերի ծակե-
րում կամ տանիքի տակ: Նա ածում է թխա-
գոյն ձու գորշ բիծերով: Ճնճղուկը ուտում է
զանազան բոյսեր և կեռաս: Բայց նա շատ սի-
րում է նաև միջատներ, բարդեր, ճանձեր ու
թրթուռներ: Նա անդադար ճլճում է. ճի՛ւ,
ճի՛ւ:

45. ԿԱՏՈՒ.

Կրակարանի մօտ պառկած է կատուն: Նա
այնտեղ տաքանում է: Նա ունի գեղեցիկ, կա-
կուղ մազեր և մի երկայն ընչացք: Ազին թա-
ւամազ է ու կախ ընկած: Ոտների թաթե-
րի վերայ ունի սուր սուր ձիւրաններ: Նա մրու-
մրում է ու մլաւում: Լսե՞լ ես թէ նա ինչպէս
է մլաւում: Մի անգամ ես բռնեցի մեր կատուն,
նա ձեռս ճանկեց: Կատուն բռնում է մկներ և

ուտում: Բայց նա երբեմն թռչուններ էլ է բռնում և սպանում: Այդ լաւ չի անում: Նա շատ գող էլ է: Միանգամ մեր խորովածացուն գողացաւ ու կերաւ: Այս էլ է նա վատ անում: Բայց նա իւրեան շատ մաքուր է պահում: Նա մաքրասէր է:

46. ՓԻՍԻԿ—ՄԻՍԻԿ

Վատուն եկաւ փիսիկ—փիսիկ,
Հազար նազով ինչպէս հարսիկ,
Դունչը սրբեց թաթիկներով,
Մազը սանրեց չանչուկներով:
Վատո՛ւ, կատո՛ւ, հէ՛ր ես տրտում:
Թէ՞ մկներն են այսօր արթուն:

47. ՄՈՒԿԸ.

Մուկը փոքրիկ է: Նորա մորթը ողորկ է ու գեղեցիկ: Տեսած կա՞ն գու մուկը: Նորա գոյնը գորշ է: Նա ունի մի սուր կնճիթ: Նորա ոտները բարակ են ու կարճ, իսկ ագիւն երկայն: Ոտներն վերայ կայ հինգ մատը սուր սուր եւ ղունդներով: Ի՞նչ է ուտում մուկը: Հաց ու պանիր, միս ու ձարպ, իւղ ու շաքար: Մուկը շատ գող է: Նա իւր սուր ատամներով կրծում է յատակի տախտակները, պահարանը և ներս մըտ-

նում: Ինչ որ գտնում է, գողանում է և ուտում: Գնա՛, կորիւր, փոքրիկ գող. գողերին ոչ ոք չի սիրում: Մի անգամ մի մուկը եկաւ մօրս մօտը և ասաց. «Սիրելի մայրիկ, բո իւղիցդ փոքր ինչ ինձ տուր:» Մայրս ասաց.—Ա՛ռ, փոքրիկ սատանայ: Մուկը առաւ և իսկոյն փախաւ գնաց:

48. ԿԱՏՈՒՆ ԵՒ ՀՈՒՆԸ.

Մի որսկան շուն միանգամ մի նապաստակ բռնեց և բերաւ տուն: Վատուն այդ տեսնելով՝ նախատեց շանը նորա անգթութեան համար: Այդ ըոպէին մի փոքրիկ մուկը գուրս եկաւ նոցա առաջը: Վատուն իսկոյն վրայ վազեց, բռնեց ու կերաւ: Հունը ասաց. «Այդ ի՞նչ ես անում: Դու ինձ նախատում ես, որ ես մի նապաստակ եմ բռնել իմ տիրոջ համար, իսկ ինքդ այժմ մուկն ես անուշ անում:» — «Է՛հ, իմ կերածը մի չնչին մուկն է», պատասխանեց կատուն:

Մեր կատուն իւր աչքի գերանը թողած, ուրիշի աչքի ծեղն է որոնում:

49. ԲԱԿ.

Գիւղացու տան բակումը առաւել շատ բան կայ տեսնելու, քան քաղաքի տների բակումը: Նա շրջապատած է զանազան շինութիւններով: Մի կողմում գտնուում է գիւղացու տունը: Յե-

տոյ գալիս են ձիանց ախոռը, կովերի ու եզ-
ների գոմը, ոչխարների փարախը: Խողանոցը,
հաւանոցը և թոնրատունը: Միւս կողմում կայ
մի շինութիւն, որ ունի մի մեծ դուռը: Դա
գիւղացու շտեմարանն է: Այստեղ է նա պահում
իւր ցորենը, գարին ու կորեկը: Բայց շատ գիւ-
ղերում ցորենը պահում են ոչ թէ շտեմա-
րաններում, այլ հորերի մէջ:

50. ԱՔԱՂԱՂ.

Ահա աղբանոցում կանգնած է մի աքաղաղ:
Տես, ի՞նչ հպարտ հպարտ ման է գալիս: Կար-
ծես մի մեծ պարոն լինի: Նա ունի մի կարմիր
կատար և մի երկայն կարմիր մօրուք: Նորա
փետուրները գեղեցիկ են ու գոյնզգոյն: Ագին
երկայն է և մանգաղի ձևով ծռած: Նա իւր
ոտների վերայ ունի մի մի երկայն բիտ: Իւրա-
քանչիւր ոտը ունի չորս ձիւրանաւոր մատը,
երեքը առաջից, մէկը ետեւից: Երբ աքաղաղը մի
հատիկ է գտնում, կանչում է իւր հաւերին և
տալիս նրանց: Երբ նա կշտանում է, կանգնում է
մի բարձր տեղ և կանչում. ծուղրուղո՛ւ: Աքաղա-
ղը արթնանում է վաղ առաւօտեան և ծագը
ծագելիս իւր լեզուով կանչում է մեծ նանին:

«Մե՛ծ նան, մե՛ծ նան, վեր կացիր,
Տունը—տեղը վե՛ր քաղիր:»

51. ՀԱՆԵԼՈՒԿ.

Բարձրանամ—սարից ձայն տամ:
Մեռած մարդին—կենդանութիւն:
Այս ի՛նչն է:

52. ԱՔԼԱՐ.

Ինչո՞ւ արլարը կանգնած է բակում:
Պինդ պինդ կանչում է իրա ծուղրուղուն:

* *

Էնդուր որ վաղուց արւն է ծագել,
Բայց ծոյլ երեսան քնից չէ զարթել,
Դեռ չէ վեր կացել, աղօթքը արել,
Դպրոցի դասը դեռ չէ սովորել:

* *

Կանչում է արլարն իրա ծուղրուղուն,
Տղայոց պարտքը միտերն է ձգում:

53. ՀԱԻ.

Հաւը աքաղաղից փոքրիկ է: Նա չունի աքա-
ղաղի պէս փայլուն թւեր, ծռած ագի ու բի-
տեր: Բայց նա ձու է ածում: Ձու ածելիս նա
կղկղում է և իմաց տալիս տան տիկնոջ: Հաւը

Թէ՛կ աքաղաղից փոքր է և նորա նման բի-
տեր չունի, բայց նորանից օգտակար է: Հաւը
թուխս է նստում ու ճտահանում: Նա լաւ մայր
էլ է: Իւր ձտերին տանում է ման ածում: Երբ
որդներ և հսկողներ է գտնում, գրգալով կան-
չում է իւր ձտերին, մանրում և տալիս նրանց:
Նա իւր թւերի տակ ձտերին պահպանում է
նաև անձրեւից և գիշատող թռչուններից:

54. ԶՈՒ.

Զուն բոլորակ է: Նա ունի մի սպիտակ կեղև:
Անդը շատ բարակ է: Զուի մէջ կայ սպիտակոց
ու դեղնոց: Դեղնոցը դեղին է լինում, սպիտա-
կոցը սպիտակ: Զուից դուրս է գալիս փոքրիկ
ձուտը: Մայրս ձուն եփում է. բայց նորանից
չինում է նաև ձուածեղ կամ եղածու: Եփած
ձուն ես շատ սիրում, թէ՛ եղածուն: Ես առա-
ւել սիրում եմ ձուածեղը:

55

Փոքրիկ կարաս ունիմ սպիտակ,
Միջի ջուրը երկու տեսակ:
Այս ի՞նչն է:

56. ԲԱԴ.

Բադը հաւից մեծ է: Նա թէ՛կ լաւ է լս-

ղում, բայց այնքան լաւ չի ման գալիս և հա-
մարեա բոլորովին չի կարողանում թռչել: Նա
շատ ծանրաշարժ է: Լողալու համար նա իւր
մատների վերայ ունի լողաթաղանթներ: Նորա
մարմինը ծածկուած է խիտ խիտ փետուրներով:
Այդ պատճառաւ փետուրների միջով ջուրը չի կա-
րողանում անցնել: Ծանր նրան տալիս են հաց, գա-
րի, վարսակ, թեփ, եփած կարտոփիլ և շատ ուրիշ
բաներ: Իրսումը նա ինքն է իւր կերակուրը որո-
նում: Այստեղ նա որոնում է և ուտում որդներ
խղունջներ ու փոքրիկ ձկներ: Բադը մեզ տալիս է
իւր ձուն, իւր փետուրները և իւր միսը: Բադի
ձուն եփում են, իսկ միսը տապակում կամ խո-
րովում: Ի՞նչ են չինում նորա փետուրներից:

57. ԲԱԴԻԿ.

— «Բադիկ—բադիկ,
Կարմիր թաթիկ,
Ո՛ւր ես գնում կամաց կամաց,
Չագիկներիդ չորս կողմք առած:»
— Ես գնում եմ ջուր գտնելու,
Չագիկներիս լուանալու,
Չագիկներս մաքուր—մաքուր,
Տղոց երեսն ազտ է ու մուր:

58. ՄԻՍԵՆԱԿ.

Միծեռնակը մեծ ճարտարութեամբ շինում

է իւր բունը: Պինդ ցեխի կտորները նա իւր
լործունքով պատում է և մէկը միւսից կպցնում:
Բունի ներսի կողմը նա փռում է մազեր ու փե-
տուրներ և իւր ճտերի համար փափուկ օրօրոց
շինում: Ճտերը իւրեանց բերանը մեծ մեծ բաց
են անում, երբ որձակը նոցա համար ճանձեր,
մթղուկներ, մոծակներ և միջատներ է բերում:
Դու ծիծեռնակին չպիտի դպչես: Նա շատ սի-
րուն թռչուն է և լաւ էլ երգում է: Երբ ա-
շունք գալիս է, ծիծեռնակները էլ մեզ մօտ չեն
մնում: Ապա ի՞նչ անեն խեղճերը, ցուրաբ վրայ
է հասնում և ուտելու էլ բան չեն գտնում:
Նոքա ժողովում են մի տեղ, ջոկեր կազմում և
չուժ տաք երկիրները: Բայց զարնան նոքա
կրկին վերադառնում են:

59. ԵՐԳ ՊԱՆԴԻՏԻ.

Ծիծեռնակ, ծիծեռնակ,
Դու գարնան սիրուն թռչնակ,
Դէպի ո՞ւր, ինձ ասա՛,
Թռչում ես այդպէս արագ:
Ա՛խ, թռի՛ր, ծիծեռնակ,
Ծնած տեղս՝ Աշտարակ:
Անդ շինի՛ր քո բունը
Հայրենի կտուրի տակ:
Անդ հեռու ալեօր
Հայր ունի՛մ սգաւոր:

Ար միակ իւր որդուն
Սպասում է օրէօր:
Երբ տեսնես դու նրան,
Ինձնից շատ բարեւ արա՛,
Ասա՛, թո՛ղ նստի լայ
Իւր անրախոտ որդու վերայ:
Դու պատմի՛ր, թէ ինչպէս
Աստ անտէր ու խեղճ եմ ես,
Միշտ լալով, ողբալով,
Կեանքս մաշուել եղել կէս:
Ինձ համար ցերեկը
Մութ է շրջում՝ արեգը,
Գիշերը թաց աչքիս
Քունը մօտ չի գալիս:
Հուտով սառ հողի տակ
Կը պառկի՛մ այստեղ մենակ,
Թողնելով հօրս սրտում
Ցաւալի յիշատակ:

Դէ՛հ, սիրուն ծիծեռնակ,
Հեռացի՛ր, գնա՛ արագ,
Դէպ Հայոց աշխարհը՝
Ծնած տեղս—Աշտարակ:

60. ԱՂԱԽՆԻ.

Աղաւնիները շատ սիրուն թռչուններ են:
Երբ նոքա տանիքի վերայ նստած են լինում,
կտուցներով իրենք իրենց մաքրում են, զարդա-
րում և ամեն մի փետուր ուղղում: Այդ պատ-

ճառաւ և նոքա խելօք երեխաների պէս միշտ մաքուր են լինում: Նոքա ապրում են զոյգ զոյգ: Իւրաքանչիւր զոյգ ունի իւր բունը: Մարին ածում է իւր բունում երկու սպիտակ ձու, թուխս նստում և ճտահանում: ձտերը սկզբում մը մերկ են լինում և չեն կարողանում տեղից շարժուիլ: Բայց ծնողները նոցա տաքացնում են ու կերակրում, մինչև որ թեւաւորւում են, թռչում և իւրեանց համար կերակուր ճարում:

61. ՄԵՂՈՒՆ ԵՒ ԱՂԱՒՆՆՆ.

Միանգամ մի մեղու ընկաւ լիճը: Աւերեից այդ տեսաւ մի աղաւնի, որ ծառից մի տերեւ կտրեց և ձգեց ջրի մէջը: Մեղուն ճանկոտելով վեր ելաւ, նստեց տերեւի վերայ, թեւերը չորացրաւ և թռաւ գնաց իւր նաւակից:

Փոքր ինչ յետոյ, երբ աղաւնին հանգիստ նըստած էր իւր տեղը, մի որսորդ հրացանը մեկնեց և ուզում էր նրան սպանել: Մեղուն կայծակի պէս վրայ հասաւ և այնպէս խայթեց նորա ձեռը, որ նա վեր թռաւ: Գնդակը չդպաւ աղաւնուն, այլ մօտովը անց կացաւ: Աղաւնին էլ սրտումը մեծ շնորհակալութիւն յայտնելով մեղուին, թռաւ փախաւ այնտեղից:

62. ՈՅԻԱՐ.

Ոչխարի մարմինը հաստ է և ծածկուած կա-

կուղ ու տաք բրդով: Առհասարակ նա սպիտակ է լինում, բայց կան նաեւ սև ոչխարներ: Նոցա ռոտները բարակ են, ոտների պճեղները ունին երկու կճղակ: Ոչխարները կճղակաւոր կենդանիներ են: Ամառը նոցա լուսնում են, յետոյ խուզում: Նոցա ցաւ չի տալիս, երբ նրանց բուրդը խուզում են: Ոչ ընդհակառակն, նոքա շատ ուրախանում են, որ տաք ամառուայ օրերը նոցանից առնում են այն հաստ բրդեայ մուշտակը: Ոչխարը մի լաւ կենդանի է: Նա չի խածնում և չի յարձակում մարդոյ վերայ, ինչպէս շունը: Խոյը շատ ուժեղ է լինում: Երբ նա մի ուրիշ խոյի պատահում է, նորա հետ կռւում է: Մաքին ծնում է զառը: Գառները գեղեցիկ կենդանիներ են: Փոքրիկ երեխաների պէս նոքա ուրախ ուրախ խայտում են դէս ու դէն: Նս շատ սիրում եմ գառներին:

63. ԳԱՌՆՈՒԿ.

Սիրուն, անմեղ իմ գառնուկ,
Բուրդդ սպիտակ ու փափուկ,
Իաշտ վազելով ու արօտ,
Մօրդ քաշում ես կարօտ.
Մի լար, գառնուկ սիրական,
Փոքրիկ տղի դու նման,
Կը գայ մայրդ, հետը շատ
Կը բերէ քեզ անուշ կաթ:

64. ԾԵԾՈՒԱԾ ԳԱՌՆՈՒԿ.

“Ինչո՞ւ կուլաս, դու գառնո՞ւկ:”
 — Խիստ ծեծ կերայ ես, մայրիկ:
 “Ո՞վ ծեծեց քեզ, իմ գառնո՞ւկ:”
 — Մէկ ծեր պառաւ վատ կնիկ:
 “Ինչո՞ւ ծեծեց քեզ, գառնո՞ւկ:”
 — Ծառի տակն էի, մայրիկ:
 “Ինչո՞վ ծեծեց քեզ, գառնո՞ւկ:”
 — Մէկ ճիւղատուփ, իմ մայրիկ:
 “Ո՞րտեղից խլիեց, գառնո՞ւկ:”
 Ատիկներես, իմ մայրիկ:
 “Ի՞նչպէս լացիր, դու գառնո՞ւկ:”
 — Մէ՛, մէ՛, մէ՛, մէ՛, իմ մայրիկ:

65. ԿՈՎ.

Կովը ձիի պէս գեղեցիկ չէ: Նորա մարմինը, վիզը և ոտները հաստ են, ճակատը լայն, աչքերը պղտոր, իսկ բերանը լայն: Նա իւր ճակատին ունի երկու երկայն եղջիւր, իսկ ոտների ծայրին կճղակաւոր պճեղներ: Բայց կովը շատ օգտակար կենդանի է: Նա մեզ տալիս է համեղ կաթը: Կաթից մենք շինում ենք իւղ ու պանիր: Նա տալիս է մեզ նաև իւր միսը, ձարպը և կաշին: Կաշուից կոշիկներ են կարում, ձարպից մոմ ու սապոն շինում: Կովը ծնում է տա-

— 39 —

րին մի անգամ: Նորա ձագին ասում են հորթ կամ մողի: Կովը մի եղջիւրաւոր կենդանի է: Է՛լ ինչ եղջիւրաւոր կենդանիներ գիտես: Կովն ու եզը ուտում են արօտ, յարդ և առուոյտ: Երբ ուտում են կշտանում, պառկում են և որոճում: Նոքա որոճող կենդանիներ են: Է՛լ ինչ որոճող կենդանիներ գիտես:

66. ՀԱՆԵԼՈՒԿ.

Կով է և կով չի,
 Կաթն է տալիս,
 Բայց հորթ չունի:
 Այժմ ի՞նչն է:

67. ԶԻ.

Զին մի գեղեցիկ կենդանի է: Երբ նա կառք է ձգում, վիզը կամարի պէս կորացնում է: Նորա գլուխը երկայն է, վիզը ունի երկայն բաշ: Մարմինը բոլորակ է, գեղեցիկ և կարճ մազերով ծածկուած: Ոտները բարակ են: Նորա սմբակներին պայտ են դամում, որ նա կարողանայ ամուր կանգնել: Զիի մազերը լինում են սև, դուրշ, կարմիր, դեղին կամ աշխետ և սպիտակ: Զին չի՞ կարող ծիծաղել: Այո՛, նա ծիծաղում

է, խրինջում է, երբ ծառան գարին ձեռին մտնում է ախոռը, երբ նա դաշտումը ուրախ, ուրախ արածում է կամ երբ նա իւր տիրոջ տեսնում է: Բայց երբ է նա իւր ոտներով դուրս գալիս: Նա դուրս գալիս է իւր ոտներով, երբ երկար մի բանի սպասում է: Ձին ուտում է խոտ, առուցոյտ, յարդ, խար, վարսակ և դարբի: Ձին կամ հեծնում են կամ լծում: Նա կարող է ընդոստ գնալ, ի չորս արշաւել և քայլել:

68. 21-ն ԵՒ ԷՇԸ.

Մի ծանր բեռնաւորուած էշի հետ գնում էր մի պարապ ձի: Էշը հառաչում էր իւր ծանր բեռան տակ: Նա ասաց ձիին. «Բո մէջքի վերայ դու ոչինչ չունիս: Աղաչում եմ քեզ, օգնիր՝ ինձ և մի քիչ բեռնիցս վեր առ:», Բայց ձին նախատեց նորան ասելով. «Դու սարսափելի ծոյլ ես: Ուրիշին ինչ պարտքն է քո բեռնդ տանել:» Էշը կրկին աղաչեց. «Ինձանում էլ ոյժ չի մնացել: Եթէ Աստուած կը սիրես, օգնիր ինձ. թէ չէ այս րոպէիս կընկնեմ և հոգիս կը տամ:», Բայց ձին էլի չկատարեց նորա խնդիրը: Էշը ընկաւ և շունչը փչեց: Բոլոր բեռներ այժմ ձիին բեռնեցին, դորա վերայ էլ յաւելացրին էշի կաշին:

69. ԴԱՇՏ.

Մենք շատ անգամ ենք գնացել դաշտ գրօս-

նելու: Այնտեղ մենք տեսել ենք արտեր ու բանջարանոցներ: Արտերումը բնում են զանազան արմտիք, իսկ բանջարանոցներում կարտովիլ, բողկ, բակլայ, լոբի, մաշ, սիսեռը և ուրիշ շատ կանաչեղէն: Բայց այս ամենը ինքն ըստ ինքեան չի բնում, այլ գիւղացիք են ցանում ու տընկում: Սակայն նոցա ցանածն ու տնկածը չէր աճիլ ու չէր հասնիլ, եթէ բարերար Աստուածը չցօղէր նոցա վերայ անձրեւի ջուրը և չուղարկէր նոցա համար արեգակի լոյսը:

70. ԱՐՏ.

Դաշտումը գիւղացիք ցանում են չորս տեսակ արմտիք. ցորեն, գարի, վարսակ ու կորեկ: Քանի որ նոքա կանաչ են, խոտի շատ նման են: Նոքա էլ սորա պէս ունին մի դատարկ ցօղուն և նեղ ու երկայն տերեւներ: Նոցա ցօղունն էլ ունի կապեր: Բայց երբ նոքա բաւականին բարձրանում են, նոցա ցօղունի ծայրին բնում են հասկեր, որոնց մէջ գտնւում են արմտիքը կամ սերմերը: Նրբ արտը հասնում է, հնձում են, հնձածը կասում են, աղում և շինում ալիւր: Արտերից կերակուր են ստանում նաև մեր ընտանի կենդանիները: Նոքա շատ սիրում են յարդը: Արտերի մէջ բնակւում են նաև մի

քանի թռչուններ ու կենդանիներ, ինչպէս են օրինակ. արտոյտը, լորը, կաքաւը և նապաստակը:

71. ԾԻՅՏՆ ՈՒ ԱՐՏԱՏԵՐԸ.

Մի ծիս մի արտում բուն էր դրել և ճտահանել: Մի օր արտատէրը եկաւ, արտի գլխին կանգնեց և ասաց. «Արդէն հնձելի ժամանակն է, վաղը պիտի կանչ անեմ և գամ հնձեմ»: Երբ ծիսը յետ եկաւ տուն, ճտերը ասացին. «Շուտ արա՛, ե՛կ այստեղից դուրս գանք ու փախչենք. այսօր արտատէրը եկաւ այսպէս ու այսպէս ասաց»: Մայրը պատասխանեց. «Մի՛ վախէք, քանի որ նա ուրիշ յուսովն է, մենք այստեղ երկար կը կենանք»:—Մի քանի օրից յետոյ արտատէրը կրկին եկաւ և ասաց. «Զէ՛ չեղաւ: Արտիս ժամանակը անցնում է, հասկերը չորացել են և ցորենը թափւում է: Վաղը պիտի մարդիկ վարձեմ և գամ հնձեմ»: Երբ մայրը յետ եկաւ տուն, ճտերը պատմեցին, թէ այսօր էլ եկաւ արտատէրը և այսպէս ու այսպէս ասաց: «Մի՛ վախէք, պատասխանեց մայրը, քանի որ նա ուրիշ յուսովն է, մենք այստեղ երկար կը կենանք»:—Մի քանի օրից յետոյ արտատէրը կրկին եկաւ և ասաց. «Զէ, էլ չեղաւ: Ծարն այն է, որ վաղը ես, իմ որդիս և իմ կինս մարդը մի մանգաղ վեր առնենք և դանք հնձենք»: Երբ մայրը վերադարձաւ, ճտերը պատմեցին, թէ այսօր էլ եկաւ արտատէրը և այսպէս ու այսպէս ասաց: Մայրը պատասխանեց. «Այժմ երբ նա իւր բանը իւր ձեռքովն է ուզում բռնել, վախ կայ, վեր

կացէ՛ք փախչենք այստեղից»: Այդ ժամանակն էլ ճտերը արդէն շահացել էին: Վեր են կենում թռչում գնում:

72. ԼՈՒԲԻ.

Լոբին բնում է բանջարանոցում: Նորա հատիկները գտնւում են մի երկայն ու կանաչ պատեանի մէջ: Պատեանը նոցա տնիկն է: Այնտեղ նոցա համար ապահով է և տաք: Նա նրանց պաշտպանում է անձրեկից և խանձող արեւից: Պատեանը իմ երկու մատիս չափ երկայն է և ունի մի մատը լայնութիւն: Երկու կողմից նա ունի մի մի կարան, առջևից մի սուր պտուկ, ետևից մի կարճ կոթ: Կայ ցեցի լոբի և թուփի լոբի: Յեցինը խայտախարիւ է, թուփինը սպիտակ: Լոբու հատիկը ունի մի կեղև և մի միջուկ:

73. ԱՆՏԱՌ.

Ինչ գեղեցիկ է անտառը: Ինչքան որ ներս ես գնում, այնքան էլ խոր լուծիւն է տիրում: Բո՛ շուրջդ, բայց այնքան էլ գեղեցիկ է լինում: Այնտեղ դու կը տեսնես բարձր բարձր ծառեր, օրինակ. կալնի, հալի, բարդի, լորի, թեղի, թեղոշի, ճապկի: Ծառերի միջով երևում է կապոյտ երկինքը: ձիւղերի վերայ ձուռողում են

Թուշունները: Բայց անտառում կան նաև թուփեր: Ծառերի տակ, խիտ թուփերի մէջ, բնակւում են շատ կենդանիներ. նապաստակ, աղուէս, այծեամն ու եղջերու: Անտառում բնակւում են նաև զիշատող գազաններ, ինչպէս են գայլը և արջը:

71. ԿԱՂԻՆ.

Կայ երկու տեսակ կաղին. խոզկաղին և արքայակաղին. Խոզկաղինը խոզերն են ուտում, արքայակաղինը մենք: Արքայակաղինը բոլորակ է և նստած է լինում մի կանաչ ատամնաւոր մատնոցի մէջ: Նորա փեճեկը սկզբումը սպիտակ է լինում. բայց երբ հասնում է, դառնում է գորշ: Փեճեկի մէջ գտնւում է միջուկը: Նստա սիւրում եմ միջուկը. նա համեղ է լինում: Կաղիննի մէջ երբեմն լինում է նաև որդը, որ ուտում է միջուկը: Նա բննում է թուփերի վերայ: Երեխաները գնում են անտառ, կաղին քաղում և բերում իւրեանց մօրը:

75. ԳԱՅԼ.

Գայլը մի մեծ շան չափ է և նորան պէս էլ ուժեղ: Նա շատ աչքածակ է. ինչքան ուտէ,

չի կշտանալ. Երբ նա քաղցած է, յարձակւում է ամեն մի կենդանու վերայ, որին նա կարող է յաղթել: Գայլը մի զիշատող գազան է: Ամառը նա միայնակ է գնում որսի, իսկ աշնան և ձմեռը խումբերով: Գայլը երբեմն ոչխարներ է փախցնում հօտերից և ուտում: Այդ պատճառաւ հովիւները իւրեանց մօտ պահում են զամփո շներ: Գայլը յարձակւում է մինչև անգամ ձիանց, կովերի, եղջերի ու եղջերուների վերայ: Բայց սրանք կարողանում են լաւ պաշտպանուիլ իւրեանց սմբակներով ու եղջիրներով: Գայլը մարդից վախում է: Բայց երբ շատ քաղցած է լինում, նա չի վախենում մինչև անսնգամ որսորդներից:

76. ՍՏԱԽՕՍ ՀՈՎԻԷ.

Մի հովիւ սովորութիւն էր արել խաբել իւր ընկերներին. Շատ անգամ նա երկիւղալի ձայնով կանչում էր. «Գայլը եկաւ, գայլը եկաւ»: Բայց երբ միւս հովիւները վազում էին օգնութեան գալիս, նա ծաղրում էր և ծիծաղում նոցա վերայ:

Մի օր էլ մի գայլ իսկապէս յարձակուեցաւ նորա հօտի վերայ. նա սկսեց առաջուայ պէս աշտակել. «Գայլը եկաւ, գայլը եկաւ»: Նորա ընկերները կարծելով թէ նա էլ խաբում է, տեղերիցը չշարժուեցան: Գայլը ընկաւ նորա հօտի մէջ և պատահօտեց ոչխարներին:

Ասածէ. «Սուտ ասողի տունը կրակ ընկաւ, ոչ
որ ՀՀաւատաց:»

77. ՍԱՅԼ.

Սայլը ունի երկու անիւ, մի սեռն, մի աւարքը և
երկու կող: Սեռնի իւրաքանչիւր ծայրին կայ մի
անիւ: Անիւը ունի մի գունդ, շատ սողեր և մի շըր-
ջապատ: Աւարքը ունի երկու թև, երկու կոփ, մի
գլխամէր և մի դիմհար: Աւարքի թևերը սայ-
լի առաջին միանում են և կազմում մի սուր
անկիւն: Գլխամէրից լծում են եզները: Խնչու
համար է դիմհարը: Իւրաքանչիւր թև ունի
երկու ատամն: Այս ատամների մէջ է հղով-
ւում անիւների սեռնը: Կոփերի վերայ կանգնած
են սայլի կողերը: Սայլի կողերը ունին չորս ցից,
երկու երկայն ձող կամ թառ և շատ ճաղեր:

78. ՀԱՆԵԼՈՒԿ.

Չորս եղբայր կայ.

Միմեանց ետևից վազում են,

Բայց միմեանց չեն հասնում:

Այս ինչն է:

II. ՄԱՍՆ.

ՀԻՔԱԹՆԵՐ.

ՈՍԿԻ ԱՍՏՂԵՐ.

1. Կարչ, կար մի փոքրիկ աղջիկ, դորա հայ-
րն ու մայրը մեռել էին:

2. Նա շատ աղքատ էր, տուն չուներ որ մէջը
բնակուէր, անկողին չուներ որ մէջը քնէր. նորա
ունեցած չունեցածը իւր վրայի զգեստներն էին
ու մի կտոր հաց, որ բռնած ուներ իւր ձեռին:
Եւ որովհետեւ նա այժմ բոլորովին միայնակ էր
մնացել, գլուխ վեր առաւ դնաց, մտածելով, որ
ողորմած Աստուածը ինձ կ'օգնէ:

3. Ճանապարհին նորա առաջը դուրս եկաւ
մի ծեր մարդ և ասաց. «Քոյրի՛կ, փոքր ինչ հաց
տուր ինձ, ես շատ քաղցած եմ»: Փոքրիկ աղ-
ջիկը իւր բոլոր հացը տուաւ նորան ու գնաց:
Գնաց, դնաց, նորա առաջը դուրս եկաւ մի
երեխայ և ասաց. «Քոյրի՛կ, տո՛ւր ինձ քո գտա-

կըլի, իմ գլուխս մըսում է»։ Աղջիկը վեր առաւ իւր գտակը և տուաւ նորան։ Եւ երբ մի փոքր ինչ էլ յառաջ գնաց, եկաւ էլի մի երեխայ, որ վերարկու չունէր։ Փոքրիկ աղջիկը հանեց իւր վերարկուն տուաւ նորան ու գնաց։ Նորա առաջը դուրս եկաւ մի աղջիկ, որ պարեգօտ չունէր իւր վերայ և ասաց. «Ցո՛ւր ինձ քո պարեգօտդ»։ Նա էլ հանեց իւր պարեգօտը և տուաւ նորան։ Ի վերջոյ նա հասաւ մի մեծ անտառ։ Այստեղ արդէն սկսել էր մթնանալ, յանկարծ դուրս եկաւ մի ուրիշ աղջիկ էլ և խնդրեց մի շապիկ։ Առաքինի աղջիկը մտածեց. Արդէն մոլթ է, ինձ այստեղ ոչ ոք չի տեսնիլ, ես իմ շապիկս էլ կը տամ։

4. Երբ նա այսպէս կանգնած էր և ոչինչ չունէր իւր հագին, յանկարծ երկնքից վայր թափուեցան աստեղերը մի մի ոսկի դարձած։ Իօցա հետ նա ստացաւ նաև նոր զգեստներ։ Հաւաքեց ոսկիները, հագաւ նոր զգեստները և շատ հարստացաւ։

2. ԶԱՄԶՈՎ ՓԼԱԻ.

1. Եղել է, չի եղել մի փոքրիկ աղջիկ, որ ապրում էր իւր մօր հետ միասին։ Նոքա ուտելու ոչինչ չունէին և մեծ քաղցածութիւն էին

քաշում։ Աղջիկը գլուխ վեր առաւ գնաց։ Գնաց, գնաց, հասաւ մի անտառ։ Այստեղ նորան պատահեց մի պառաւ կին։ Նա իմանում էր, որ աղջիկը շատ աղքատ է, մեծ քաղցածութիւն է քաշում։ Այդ պատճառաւ նորան մի պուտուկ ընծայեց և ասաց. «Եթէ դու այս պուտուկ կին ասես. «Պուտո՛ւկ, եփէ՛», նա իսկոյն քեզ համար կ'եփէ լաւ քաղցր չամչով փլաւ։ Բայց եթէ դու ասես. «Պուտո՛ւկ, դադարի՛ր», նա կը դադարէ, էլ չի եփիլ։

Աղջիկը վեր առաւ պուտուկը և բերաւ տուն՝ իւր մօրը։ Այժմ նոքա էլ քաղցածութիւն չէին քաշում։ Երբ ուզում էին, ուտում էին քաղցր չամչով փլաւ։

2. Մի անգամ աղջիկը գնաց հիւր և մայրը մնաց միայնակ։

Որովհետեւ նա քաղցած էր՝ ասաց. «Պուտո՛ւկ, եփէ՛»։ Բայց մոռացել էր, որ յետոյ հարկաւոր էր ասել. «Պուտո՛ւկ, դադարի՛ր»։ Այդ պատճառաւ պուտուկը եփում էր ու եփում։ Փրլալը սկսեց պուտուկից դուրս թափուիլ. փոքր առ փոքր լցրաւ խոհանոցը, ամբողջ տունը, փողոցը, ի վերջոյ քաղաքի բոլոր տները, մնաց միայն մի տուն։ Ոչ մի մարդ չէր կարողանում ազատուիլ։

3. Ի վերջոյ աղջիկը տուն եկաւ և կանչեց.

«Պուտու՛ւկ, դադարի՛ր»։ Իսկոյն պուտուկը դա-
դարեց։

3. ԶԱՆԱՍԷՐ ՈՒ ԾՈՅԼ ԱՂՋԻԿԸ։

1. Կար, չիար մի կին։ Սա ունէր երկու աղ-
ջիկ։ Սոցանից մէկը ջանասէր էր, միւսը ծոյլ։
Բայց կինը այս ծոյլին առաւել էր սիրում, քան
ջանասէրին։ Այդ պատճառաւ նա տանը բոլոր
գործը անել էր տալիս միւս աղջկան։ Խեղճ աղ-
ջիկը ամէն օր նստած դաշտում, մի ջրհորի
մօտ, այնքան թիւ էր մանում, որ մատները
արիւնոտումէին։ Մի անգամ նորա իլիկը էլի ա-
րիւնոտուեցաւ. նա կռացաւ և ցանկանում էր
իլիկը ջրհորումը լուանալ։ Բայց իլիկը ձեռիցը
դուրս սողաց և ընկաւ ջրհորի մէջ։ Աղջիկը
սկսեց լաց լինել, վազեց մօր մօտ և ասաց. «Մայ-
րի՛կ, իլիկը ձեռիցս դուրս սողաց և ընկաւ ջր-
հորի մէջ»։ Մայրը բարկացաւ և ասաց. «Ինչ-
պէս որ իլիկը ձգել ես ջրհորի մէջ, այնպէս էլ
գնա՛ ու հանի՛ր»։

2. Աղջիկը յետ դարձաւ դէպի ջրհորը և
չէր իմանում թէ ինչ անէ։ Նրկիւղից թռաւ
ջրհորի մէջ որ իլիկը որոնէ։ Նա այստեղ ու-
շաթափուեցաւ, և երբ կրկին ուշքի եկաւ, տե-
սաւ որ ինքը գտնւում է մի գեղեցիկ մարդա-

գետնի վերայ։ Մարդագետնով գնաց, գնաց, հա-
սաւ մի հացով լիքը թոնրի։ Հացերը սկսեցին
կանչել. «Ա՛խ, հանի՛ր մեզ այստեղից, հանի՛ր
մեզ այստեղից, թէ չէ մենք կայրուինք»։ Նա
վեր առաւ հացահանը և բոլոր հացերը հա-
նեց թոնրից։

3. Յետոյ իւր ձանապարհը շարունակեց։ Գնաց,
գնաց, հասաւ մի ծառի, որի ճիւղերից կախ
կախ էին ընկած շատ խնձորներ։ Այդ ծառը
աղաղակեց. «Ա՛խ, շաղահարի՛ր ինձ. իմ խնձոր-
ներս բոլորեքեանք էլ հասած են»։ Նա այնքան
շաղահարեց ծառը, մինչև որ բոլոր խնձորներն
էլ թափուեցան։ Աղջիկը հաւաքեց բոլորը մի
տեղ և գնաց իւր ձանապարհը։

4. Վերջը հասաւ մի փոքրիկ տան։ Պատու-
հանից դուրս էր նայում մի պառաւ կին։ Եւ
որովհետեւ նա ունէր մեծ մեծ առափներ, աղ-
ջիկը շատ վախեցաւ և ուզում էր փախչել։
Բայց պառաւ կինը կանչեց. «Ինչի՞նչս վախում
իմ սիրելի երեխայ. մնա՛ իմ մօտ։ Եթէ դու իմ
ամեն բանս կատարես, ես քեզ լաւ կը վարձա-
րեմ։ Միայն դու ամեն օր իմ անկողինս պիտի
լաւ թափ տաս, այնպէս որ փետուրները եր-
կինքը թռչկոտեն»։

5. Որովհետեւ կինը այսպէս լաւ խօսեց, աղ-
ջիկը համաձայնեցաւ և մտաւ նորա մօտ ա-

դախին: Ինչ որ պառաւ կինը ուզում էր, աղ-
ջիկը խակոյն բոլորն էլ կատարում էր: Նա այն-
պէս թափ էր տալիս պառաւի անկողինը, որ
փետուրները ձիւնի պէս թռչկոտում էին ամեն
կողմ: Ուստի և կինը նորան շատ սիրում էր.
ոչ մի վատ բառ չէր ասում և ամեն օր տա-
լիս էր նորան տապակած ու խորոված:

6. Շատ չ'անցաւ, աղջկայ սիրտը ուզեց քետ
դառնալ իւր հայրենիքը: Շատ մտածեց, քիչ
մտածեց, վերջը ասաց պառաւ կնոջ. «Թէ և ինձ
համար այստեղ շատ լաւ է, այստեղ ամենայնիւ
ես չեմ կարող այստեղ երկար մնալ. ես կրկին
ուզում եմ գնալ մօրս ու քրոջս մօտ»: Պա-
ռաւ կինը ասաց. «Շատ ապրես, որ դուքո հօրդ
տունը չես մոռանում: Եւ որովհետեւ դու ինձ
այդպէս լաւ ծառայեցիր, ես ինքս քեզ կը տա-
նեմ այնտեղ»: Նա բռնեց նորա ձեռից և տա-
րաւ: Գնացին, գնացին, հասան մի մեծ դռան:
Դռուք բացուեցաւ և երբ աղջիկը ուզեց անց-
նել, վերեւից առատ ոսկի անձրեւ եկաւ, և ոս-
կիները աղջկան չորս կողմից կախ կախ եղան:
«Այդ բոլորը ահա ես քեզ եմ պարգևում», աս-
աց պառաւ կինը, «որովհետեւ դու շատ ջա-
նասէր էիր. ահա քեզ և քո իշիկը»:

7. Պառաւ կինը այդ ասաց թէ չէ, դուռը
փակուեցաւ. աղջիկը աչքը փակեց, բացաւ և

ինքն իւրեան գտաւ իւրեանց տան մօտ: Երբ
ներս մտաւ իւրեանց բակը՝ աքաղաղը կանչեց:

Մուղրուղո՛ւ,

Մեր ոսկի աղջիկը տուն եկաւ:

Աղջիկը մտաւ տուն իւր մօրը մօտ, և որովհե-
տեւ նա ոտից մինչև գլուխ ոսկով ծածկուած
էր, մայրն ու քոյրը նորան ուրախութեամբ ըն-
դունեցին:

8. Աղջիկը պատմեց ինչ որ նորա գլխովը
անցել էր: Երբ մայրը այդ լսեց, անպատճառ
ուզեց, որ իւր ծոյլ աղջիկն էլ հարստանայ:
Ուստի սա էլ գնաց այն ջրհորի մօտ, նստեց և
թել մանեց: Որպէս զի իշիկը արիւնոտուի, ծա-
կեց իւր մատը: Յետոյ ձգեց իշիկը ջրհորի մէջ
և ինքն էլ թող եղաւ, ընկաւ նորա մէջը:

9. Նանոյնպէս ուշաթափուեցաւ, կրկին ուշ-
քի եկաւ և ինքը իւրեան գտաւ միւսնոյն մար-
դագետնի վերայ: Մարդագետնով գնաց և հա-
սաւ թոնրին: Հացերը կանչեցին. «Ախ, հանի՛ր
մեզ այստեղից, թէ չէ մենք կ'այրուինք»: Բայց
ծոյլ աղջիկը պատասխանեց. «Հա, հենց այդ
էր մնացել, որ դամ ձեզ հանեմ և զգեստներ,
աղտոտեմ. մնացէք թոնրի մէջ». ասաց ու գնաց:

Շուտով հասաւ նա խնձորի ծառին: Սա ըս-
կրսեց կանչել: «Ախ, շաղահարի՛ր ինձ, շաղահա-
րի՛ր ինձ. իմ բոլոր խնձորներս էլ հասած են»:

Բայց աղջիկը պատասխանեց. «Այո՛, շատ լաւ եւ ասում. հենց էն է, եկի ու շաղահարեցի. ապա որ մէկը իմ գլխիս ընկնէ՞». ասաց ու գնաց:

Երբ հասաւ այն պառաւի տանը, նա չվախեցաւ, որովհետեւ արդէն լսել էր նորա մեծ մեծ ատամների մասին, և մտաւ նորա մօտը աղախին:

10. Առաջին օրը ինքը իւրեան ստիպեց, ջանաւոր եղաւ և միշտ լսում էր պառաւ կնոջ խօսքին, որովհետեւ նա ցանկանում էր շատ ոսկի ստանալ: Բայց երկրորդ օրը սկսեց ծուլանալ: Երրորդ օրը չէր ուզում առաւօտեան վաղ վեր կենալ: Պառաւ կինը շուտով ձանձրացաւ նորանից և էլ չուզեց իւր մօտը պահել: Ծոյլ աղջիկը ուրախացաւ, որովհետեւ կարծում էր, թէ այժմ ոսկի անձրեւ պիտի գայ իւր վերայ: Պառաւ կինը նորան էլ տարաւ դռան մօտ: Բայց դռնովը անցնելիս փոխանակ ոսկու, նորա վերայ թափուեցաւ մի կաթսայ լիքը կուպրը: «Այո է քո արած ծառայութեանդ վարձը», ասաց պառաւ կինը և դուռը փակեց: Երբ ծոյլ աղջիկը տուն եկաւ, աքաղաղը կանչեց.

«Ծուղրուղու՛,»

Մեր կուպրոտ աղջիկը տուն եկաւ:

Եւ աղջիկը մնաց կուպրոտ քանի ապրում էր:

4. ՅԱՐԴԻ ՅՕՂՈՒՆ, ԿՐԱԿ ՈՒ ԼՈՒԻ:

1. Եղև է, չի եղել մի պառաւ գիւղացի կին: Նա մի օր ուզեց լոբեսպաս եփել: Վեր առաւ մի բուռը յարդ, վառեց և նորա վերայ դրաւ ցախ ու փայտ: Այժմ երբ նա ուզում էր լոբին կաթսայի մէջ ածել, նոցանից մէկը ընկաւ մի յարդի ցօղունի մօտ: Շուտով խանձողից մի կտոր կրակ էլ փլուեցաւ և ընկաւ դոցա մօտ:

2. Յարդի ցօղունը ասաց. «Սիրելի բարեկամներ, յիշեցից էք դուք գալիս»: Կրակը պատասխանեց. «Նա մի խանձողից թռայ ու ընկայ այստեղ. եթէ ես այսպէս արած չլինէի, մոխիր կը կտրէի»: Լոբին ասաց. «Նա էլ այն տեղից եմ գալիս. եթէ պառաւ կինը ինձ էլ ձգած լինէր կաթսայի մէջ, այժմ ես եփուած կը լինէի ու սպաս դարձած, ինչպէս և իմ ընկերները»: Իսկ ես, ասաց յարդի ցօղունը, կ'այրուէի ու մոխիր կը կտրէի, եթէ ես էլ չընկնէի յատակի վերայ. իմ բոլոր եղբորցս պառաւ կինը ձգեց կրակի մէջը, վաթսունին միանգամից այրեց»: «Ուրեմն ի՞նչ պիտի անենք մենք այժմ», հարցրաւ կրակը: «Մենք միմեանց հետ եղբայր կը դառնանք» ասաց լոբին, «միասին կը չոգենք», կը գնանք մի օտար երկիր»:

3. Բոլորեքեանք հաւանեցին և իսկոյն ճա-

նապարհ ընկան: Գնացին, գնացին ու եկան, հասան մի փոքրիկ առուի: Եւ որովհետեւ նորա վերայ կամուրջ չ'կար, չէին իմանում թէ ինչպէս անցնեն այդ առուով: Յարդի ցօղունը ասաց. «Սպասեցէ՛ք, ես ձեզ կ'ասեմ թէ ինչպէս անցնենք. ես թէկն կ'ընկնեմ» և առուի վրայ կամուրջ կը շինեմ, իսկ դուք ինձանով կ'անցնէք միւս կողմը»:

4. Այդպէս ահա յարդի ցօղունը պառկեց և ջրի վերայ մի կամուրջ շինեց: Կրակը եկաւ և նորա վրայով սկսեց շուտ շուտ վազել: Բայց երբ նա եկաւ, հասաւ մէջ տեղը, սիրտը վախ ընկաւ ու կանգնեց: Այդ ժամանակը յարդը սկսեց այրուիլ. կոտորուեցաւ, երկու բաժին եղաւ և ընկաւ առուի մէջ: Կրակը նորա ետեւից ինքը դրմիաց և ընկաւ ջրի մէջ, փշփշաց, թշթշաց ու հանգաւ:

5. Լորին, որ դեռ ևս մնացել էր կանգնած ափի մօտ, այնքան ծիծաղեց դորա վերայ, որ ձաքձքոտեց: Նա էլ կը մեռնէր, եթէ մի դերձակ հասած չը լինէր: Նրբ նա լոբուն տեսաւ, բերաւ թել ու ասեղ և կարեց նորա ձաքձքոտած կաշին: Բայց որովհետեւ դերձակը գործ էր դրել սև թել, ուստի և այդ ժամանակից սկսած բոլոր լոբիները ունին մի սև կար:

5. ԱՔԱՂԱՂԸ ԵՒ ՀԱԻՐ.

1. Եղել է, չի եղել մի աքաղաղ և մի հաւ: Մի անգամ աքաղաղը ասում է հաւին. «Այժմ կաղինը հասել է, արի գնանք և մի լաւ ուտենք»: Հաւը համաձայնեցաւ. նոքա երկոքեան միասին գնացին անտառ: Դեղեցիկ օր էր. մինչև երեկոյ լաւ կերան, խմեցին: Այժմ կամեցան տուն դառնալ: Բայց այնքան կերել էին, որ չափազանց ծանրացել էին: Նոյն պիտի անէին այժմ. մէկը մի մեծ պարոն էր, միւսը մի մեծ տիկին. ինչպէս կարելի էր ոտով տուն դառնալ: Կաղնու կեղևից աքաղաղը սկսեց մի փոքրիկ կառք շինել: Նրբ շինեց պրծաւ, հաւը միջին նստեց և ասաց աքաղաղին. «Դու լծուիր կառքին և ինձ տուն տար»: Բայց աքաղաղը գժգոհութիւն յայտնեց և ասաց. «Փոխանակ որ ես քո ձիդ դառնամ, առաւել լաւ է ես միայնակ յետ կը դառնամ տուն: Ես կառքի առաջին կը նստեմ և կառավարան կը դառնամ»:

2. Նրբ նոքա այդպէս միմեանց հետ վիճում էին, եկաւ մի բադ ու բարկացած ասաց. «Ո՞վ է ձեզ թոյլ տուել դալ իմ կաղնի լեռնս. սպասեցէ՛ք, ես ձեզ ցոյց կը տամ». ասաց ու յարձակուեցաւ նոցա վերայ և ուղում էր աքաղաղին կտկտել: Բայց աքաղաղն էլ նորա ասածնե-

րիցը չէր. թռաւ, նստեց բաշի մէջքին և տո՛ւր, հա՛ տուր, կտցեց նորան սարսափելի կերպով: Բազը սկսեց խնդրել, աղաչել և ուրախութեամբ համահայնեցաւ լծուել ու ձգել կառքը: Աքաղաղը հաւին նստացրաւ կառքի մէջ, ինքը նստեց կառապանի տեղը և սկսեց անդադար կանչել. «Աագի՛ր, բադ, վագի՛ր, ինչքան կարող ես»:

3. Երբ նոքա փոքր ինչ գնացին, պատահեցան մի ասղի ու մի գնդասեղի, որոնք գնում էին ոռով: Նոքա կանչեցին աքաղաղին. «Ապասեցէ՛ք մի քիչ՝ շուտով կը մթնանայ և մենք էլ չենք կարող յառաջ գնալ. խնդրում ենք, եթէ Աստուած կը սիրէք, վեր առէք մեզ ձեզ հետ»: Աքաղաղը ասաց. «Որովհետեւ դուք այդքան փոքրիկ էք և քիչ տեղ է հարկաւոր ձեզ, կարող էք նստել միայն պիտի խոստանաք չը դպչել իմ հաւիկիս ոտին»:

4. Երեկոյին նոքա հասան հիւրանոց, և որովհետեւ զիշերը չէր կարելի ձանապարհ գնալ, ուստի նոքա ներս գնացին այնտեղ զիշերը անցկացնելու: Հիւրանոցի տէրը առաջ չէր ուզում նոցա ներս ընդունել, բայց վերջը, երբ աքաղաղը նորան ասաց, թէ դու իբրեւ վարձ կը ստանաս հաւի ածած ձուն, նա թոյլ տուաւ նոցա զիշերելու: Այստեղ նոքա ընթրիք կերան ու պառկեցին քնելու:

5. Միւս առաւօտեան վաղ, երբ բոլորեքեանք դեռ քնած էին, աքաղաղը արթնացրաւ հաւին. սա ձու ածեց, կոորեց և երկոքեան կերան միասին, իսկ կեղեւը ձգեցին կրակարանի մէջ: Յետոյ նոքա գնացին ասղի մօտ, արթնացրին ու խոթեցին հիւրանոցի տիրոջ աթոռի մէջ, իսկ գնդասեղը—նորա երեսօրբիչի մէջ և փախան գնացին: Բազը, որ քնած էր բակումը, լսելով նոցա դուրս գնալու ձայնը, մնաւ աղբիւրի մէջ և լողալով փախաւ գնաց:

6. Գորանից մի երկու ժամ յետոյ արթնացաւ հիւրանոցի տէրը, վեր կացաւ, հագնուեցաւ, լուացուեցաւ և ուզում էր երեսը սրբել. բայց յանկարծ գնդասեղը ձանկեց նորա մի աւանջից մինչև միւս ականջը: Յետոյ նա գնաց խոհանոց և ուզում էր ծխափողը վառել: Բայց երբ նա եկաւ կրակարանի մօտ, ձուի կեղևները տրաքտրաքուեցան և նորա երեսին դպան: Գորա վերայ բարկացաւ նա և ուզում էր աթոռի վերայ նստել, բայց շուտով ցատկեց նա իւր տեղից և աղաղակեց «Ո՛հ», որովհետեւ ասեղը նորան ծակել էր:

7. Նա առաւել չարացաւ այժմ և մտածեց. «Այս այն հիւրերն են արել, որոնք երէկի երեկոյ այնքան ուշ եկան հիւրանոց»։ Նա գնաց նրանց որոնելու, բայց նոքա արդէն ծլկհել էին:

«Այսուհետեւ, ասաց նա, ես այլեւս չեմ ընդունիլ այնպիսի հիւրերին, որոնք ուտում են, խումում, ոչինչ չեն հատուցանում և շնորակալու թեան տեղ ինձ վնասում էլ են»:

6. ՀԱԻԻ ՄԱՀԸ.

1. Մի ուրիշ անգամ հաւը աքաղաղի հետ էլի գնացին կաղնի լեռներ: Նոքա միմեանց խօսք էին տուել իւրաքանչիւր կաղնի միջուկ եղբայրաբար բաժանել միմեանց մէջ: Հաւը գտաւ մի մեծ կաղին և ուզեց միայնակ ուտել: Բայց միջուկը այնքան մեծ էր, որ մնաց նորա կոկորդում: Հաւը սկսեց կանչել. «Ախ, սիրելի աքաղաղ, խնդրում եմ քեզ, վազի՛ր, փոքր ինչ ջուր բեր, թէ չէ ես կը խեղդուեմ»:

2. Աքաղաղը շուտ շուտ վազելով գնաց ջրհորը: Բայց սա շատ հեռու էր: Երբ աքաղաղը ջուր բերաւ կաղնի լեռը, հաւն արդէն մեռել էր: Աքաղաղը իւր հաւի մահի վերայ շատ տխրեց և սկսեց բարձր ձայնով լաց լինել: Սորա վերայ եկան վեց մուկը և շինեցին մի փոքրիկ սայլ: Սայլը պատշաճութեամբ յետոյ մեռած հաւին դրին նորա մէջը և ինքեանք լծուեցին ու տարին հաւին թաղելու: Աքաղաղը սայլապանն էր:

3. Երբ փոքր ինչ յառաջ գնացին, եկաւ աղուէսը և ասաց. «Ո՛ւր ես գնում, աքաղաղ»:
— Ես գնում եմ իմ հաւիկին թաղելու:— Կարո՞ղ եմ ձեզ ուղեկցել»:
— «Այո՛, բայց նստի՛ր սայլի քամակին, եթէ առաջին նստելու լինիս, իմ ձիանքս չեն կարող տանել»:
— Աղուէսը նստեց սայլի քամակին, յետոյ եկան մէկը միւսի յետեւից նաեւ գայլը, արջը, եղջերուն, առիւծը և անտառի բոլոր կենդանիները:

Նոքա բոլորը միասին գնացին, գնացին, ի վերջոյ հասան մի գետի: «Խնչպէս անցնենք միւս կողմը», հարցրաւ աքաղաղը Ափի վերայ ընկած էր մի յարդի ցօղուն, նա ասաց. «Ես թէկն կ'ընկնեմ, իսկ դուք իմ վրայով կանցնէք միւս ափը»:

Երբ մկները բարձրացան ցօղունի վերայ, բոլորեքեան էլ ընկան գետի մէջ և խեղդուեցան: Աքաղաղը այժմ էէր իմանում թէ ինչ անէ: Երբ բարը այդ տեսաւ, խղճաց աքաղաղին և ուզեց նորան օգնել. ուստի և պառկեց ջրի վերայ: Այն ժամանակը աքաղաղը ինքը սկսեց ձգել սայլը: Բայց հենց որ սայլը բարձրացաւ ու հասաւ քարի գագաթին, պրանուեցաւ և բոլոր կենդանիները ընկան գետի մէջ և խեղդուեցան: Աքաղաղը մնաց միայնակ իւր մեռած հաւի հետ: Նա մի գերեզման փորեց, նորան դրաւ մէջը և հողով ծածկեց: Գերեզմանի վրայ

կանգնած աբաղաղը այնքան լաց եղաւ, որ վերջը ինքն էլ մեռաւ: Այսպէս բոլորեքեանք էլ մեռան:

7. ԳԱՅԼԸ ԵՒ ԵՕԹԸ ՈՒԼԸ.

1. Եղել է չի եղել մի այծ: Նա ունէր եօթը փոքրիկ ուլ և շատ սիրում էր իւր ուլիկներին. այնպէս էր սիրում, ինչպէս մայրն է սիրում իւր երեխաներին: Մի օր նա ուզում էր գնալ անտառ և իւր ուլիկների համար արօտ բերել: Բայց գնալուց առաջ կանչեց իւր ուլիկներին և ասաց. «Սիրելի որդիքս, ես պիտի գնամ անտառ, զգոյշ կացէ՛ք, եթէ գայլը ներս մտնելու լինի, ձեզ բոլորեցունց կ'ուռէ: Նա շատ խորամանկն է. բայց դուք նորան կը ճանաչէք նորա կոպիտ ձայնից և սև ոտներից»: Ուլիկները ասացին. «Սիրելի՛ մայրիկ, մենք շատ զգոյշ կը լինինք, սիրտդ հանգիստ պահիր, ուր ուզում ես, գնա»: Մայրը մկկաց ու գնաց:

2. Շատ անցաւ, բիշ անցաւ, յանկարծ մէկը դուռը թխկթխկացրաւ ու կանչեց. «Դուռը բացէ՛ք, իմ սիրելի երեխաներ, ձեր մայրը եկել է և ձեզ համար բան է բերել ուտելու»: Բայց ուլիկները լսելով նորա կոպիտ ձայնը, իմացան որ նա գայլն է: «Մենք դուռը չենք բանալ, դա-

տասխանեցին նորանք, դու մեր մայրը չես. նորա ձայնը բարակ է ու քնքոյշ, իսկ քո ձայնդ կոպիտ է ու բիրտ. դու գայլն ես»:

3. Գայլը տեսաւ, որ նորան ճանաչեցին, դռնաց մի մանրավաճառի մօտ և մի մեծ կտոր կաւիճ գնեց: Նա այդ կաւիճը կերաւ և դուրանով իւր ձայնը բարակացրաւ: Յետոյ յետ եկաւ, ծեծեց դուռը ու կանչեց. «Դուռը բացէ՛ք իմ սիրելի երեխաներ, ձեր մայրը եկել է և ձեզ համար բան է բերել ուտելու»: Բայց գայլը իւր սև թաթերը դրել էր պատուհանի վերայ: Այդ տեսան ուլիկները և աղաղակեցին. «Մենք չենք բանալ, մեր մօր ոտները սև չեն, ինչպէս քոնր. դու գայլն ես»:

4. Գայլը վազեց գնաց հացարարի մօտ և ասաց. «ոստ ծակել եմ, փոքր ինչ խմոր քսիր»: Երբ հացարարը նորա թաթին խմոր քսեց, վազեց գնաց ջրաղացպանի մօտ և ասաց. «Մի քիչ ալիւր ցանիր իմ թաթիս»: Ջրաղացպանը ասաց. «Ես այդ չեմ անիլ, դու ուզում ես մէկին խաբել»: «Եթէ չանես բեզ կուտեմ», պատուխանեց գայլը: Ջրաղացպանը վախեցաւ և նորա թաթի վերայ ալիւր ցանեց:

5. Այժմ այդ չարագործը երրորդ անգամ դռնաց, ծեծեց դուռը և ասաց. «բացէ՛ք դուռը, երեխաներ, ձեր մայրը տուն է եկել և անտա-

ուից ձեզ համար բան է բերել: Ուշիկներն ա-
սացին. «Յոյց տուր նախ քո թաթերդ, որ մենք
խմանանք թէ դու մեր սիրելի մայրիկն ես»:
Գայլը իւր թաթը դրաւ պատուհանի վերայ և
երբ նոքա տեսան որ նա սպիտակ է, դուռը բա-
ցին:

Բայց ինչպէս սրտաճաք եղան, երբ գայլը ներս
մտաւ: Մի ուշիկ փախաւ թաք կացաւ սեղա-
նի տակ, երկրորդը անկողնում, երրորդը վառա-
րանում, չորրորդը խոհանոցում, հինգերորդը
պահարանում, վեցերորդը կոնքի տակ, եօթնե-
րորդը պատի ժամացոյցի արկղի մէջ: Բայց գայ-
լը նրանց բոլորեցունց էլ գտաւ ու կլանեց, միայն
ամենից փոքրիկին չգտաւ, որ թաք էր կացել
ժամացուցի արկղի մէջ: Գայլը այդպէս լաւ
կշտանալուց յետոյ դուրս գնաց և կանաչ
մարդի վերայ, մի ծառի տակ պառկեց ու քնաւ
անցաւ:

Ե. Դորանից մի քիչ յետոյ այժը անտառից
տուն դարձաւ Ալիս, ինչ տեսաւ նա այստեղ:
Տան դուռը կլնկան վերայ բաց էր. սեղանը,
աթոռները և նստարանները գլխիվայր դրոշմած,
վերմակն ու բարձերը անկողնից առած ու ցրիւ
տուած: Նա որոնեց, որոնեց իւր ուշիկներին, բայց
չգտաւ: Սկսեց կանչել մէկը միւսի ետեւից նո-
ցաւ անունները, բայց ոչոք ձայն չը տուաւ: Վեր-

ջապէս երբ հասաւ ամենափոքրիկին, մի ձայն
կանչեց. «Սիրելի մայրիկ, ես թաք եմ կացած
ժամացոյցի արկղի մէջ»: Այժը հանեց նորան
այն տեղից և այժմ նա պատմեց թէ ինչպէս
գայլը եկաւ և միւս բոլոր ուշիկներին կերաւ:
Դորա վերայ խեղճ այժը շատ տխրեց: Նա իւր
ուշիկի հետ դուրս վազեց: Նրբ նոքա հասան
մարգը, գայլին գտան մի ծառի տակ պառկած:
Այժը գայլին ամեն կողմից մի լաւ տնտղեց, տե-
ւաւ որ գայլի փորումը մի բան է շարժում:
«Ալիս, Աստուած իմ, ասաց նա, իմ երեխաներս
դեռ կենդանի են նորա փորում»:

Ը. Այժը իւր փոքրիկ ուշիկին ուղարկեց տուն
մկրատ, ասեղ ու թել բերելու: Մկրատով նա
պատահեց գայլի փորը: Հենց որ մի ծակ բա-
ցաւ, խեղդեց մի ուշիկ գլուխը դուրս հանեց:
Նրբ ծակը մեծացրաւ, մէկը միւսի ետեւից դուրս
պրծան բոլոր վեց ուշիկներն էլ: Բոլորեքեանք
շատ ուրախացան: Բայց այժը ասաց. «Այժմ, իմ
երեխաններ, գնացէ՛ք քարեր հաւաքեցէ՛ք, բե-
րէ՛ք. նոցանով ես պիտի լցնեմ գայլի փորը»:
Ուշիկները վազեցին շուտ շուտ քարեր ժողո-
վեցին, բերին և լցրին նորա փորը: Յետոյ այժը
շուտ շուտ կարեց նորա փորը, որ նա ոչինչ
չխմանայ:

Թ. Գայլը վերջապէս արթնացաւ, վերկացաւ

կանգնեց, և որովհետեւ ծարաւ էր, ուզեց գնալ ջրհորից ջուր խմել: Հենց նա ոտները փոխեց թէ չէ, քարերը սկսեցին նորա փորի մէջ թրխկ-թրխկալ: Գայլը կանչեց. «Այս ի՞նչ է իմ փորումն չխկչխկում: մի՞թէ կերած ուլիկներս քարեր են դարձել»: Եւ երբ նա հասաւ ջրհորին, ուզում էր ջուր խմել, քարերի ծանրութիւնից չկարողացաւ ինքն իրան բռնել, ընկաւ ջրհորի մէջը և խեղդուեցաւ: Եօթը ուլիկը թաք կացած նայում էին. երբ այդ տեսան, մօտ վազեցին և «գայլը պրծաւ, գայլը պրծաւ» աղաղակելով, ուրախ ուրախ պարում էին ջրհորի մօտ իւրեանց մօր հետ:

8. ԳԱՅԼԸ ՆԻ ԱՂԱԻՆՍԸ:

1. Եղել է, չի եղել մի գայլ. նա իւր մօտ պահում էր մի աղուէս: Ինչ որ գայլն ուզում էր, աղուէսն խնայն անում էր: Մի անգամ երբ նոքա գնում էին անտառով, գայլն ասաց. «Կարմիր աղուէս, ինձ համար մի բան պիտի ճարես ուտելու, թէ չէ բեզ կուտեմ»: Աղուէսը պատասխանեց. «Ես մի գիւղացու տուն գիտեմ. նորա բակումը կայ երկու գառը, եթէ ուզում ես, գնանք նոցանից մէկը բերնք»: Գայլը համաձայնուեցաւ և նոքա գնացին այնտեղ: Աղուէ-

սը գնաց մի գառը բերաւ, տուաւ գայլին և ինքը փախաւ գնաց:

2. Գայլը կլանեց խեղճ գառնուկին, բայց չը կշտացաւ. այդ պատճառաւ նա գնաց փարախը, որ միւս գառն էլ դուրս քաշէ և ուտէ: Բայց որովհետեւ նա այդ շատ անգուշութեամբ աւրաւ, գառնուկի մայրն արթնացաւ և սկսեց այնպէս բարձր աղաղակել ու մայել, որ գիւղացիք վազելով եկան այստեղ: Նոքա տեսան գայլին և այնքան ծեծեցին նորան, որ կաղելով փախաւ գնաց աղուէսի մօտ: «Ի՞նչ փորձանքի մէջ ձգեցիր, ասաց նա, ես ուզում էի միւս գառնուկին էլ դուրս քաշել, բայց գիւղացիք իմացան և ինձ սաստիկ ծեծեցին»: Աղուէսը պատասխանեց. «Ինչո՞ւ համար դու այդքան աչքածակ ես. ես ի՞նչ անեմ»:

3. Միւս օրը նոքա երկուքեան էլի դուրս եկան որսի: Գայլն ասաց. «Կարմիր աղուէս, մի բան ճարիր ինձ համար ուտելու, թէ չէ բեզ կուտեմ»: Աղուէսը պատասխանեց. «Ես մի գիւղացու տուն գիտեմ. այսօր երեկոյին նորա կինք գաթայ է թխել. գնանք նոցանից առնենք»: Նոքա գնացին այնտեղ: Աղուէսը հոտ քաշելով գտաւ գաթաները, առաւ նոցանից վեց հոտ և բերաւ գայլին: «Ահա՛, առ ու լափիր», ասաց աղուէսը և գնաց իւր ճանապարհը:

4. Գայլը մի ականթարթում այդ բոլորը կլանեց ու ասաց. «Ի՞նչ համեղ են»: Գնաց և ուղղում էր էլի առնել, բայց պնակը վայր ձգեց ու փշրեց: Ձայնի վերայ մարդիկ եկան և նորան այնքան ծեծեցին, որ երկու ոտը կոտրեցին: Գայլը կաղկանձելով փախաւ գնաց աղուէսի մօտ: «Դու ինձ փորձանքի մէջ ձգեցիր, ասաց նա, զիւղացիք յանկարծ վրայ հասան և ինձ սաստիկ ծեծեցին»: Աղուէսը կրկին պատասխանեց. «Ի՞նչ անեմ, ինչու համար դու այդքան աչքածակ ես»:

5. Երրորդ օրը գայլը էլի ասաց. «Կարմիր աղուէս, մի բան ճարիր ինձ համար ուտելու, թէ չէ քեզ կուտեմ»: Աղուէսը պատասխանեց. «Մի մարդ այսօր մի խող է մորթել, միսը տաւառի մէջ ընկած է մառանում. արի գնանք, ես քեզ ցոյց կը տամ»: Գայլը ասաց. «Շատ լաւ, եթէ ես դադրեմ և այլևս չկարողանամ գնալ, դու ինձ պիտի օգնես»: Լաւ, ասաց աղուէսը և նորան տարաւ մառանը: Այստեղ շատ միս կար: Գայլը սկսեց լափել, մտածելով. «Ժամանակ շատ կայ, ինչքան կարող եմ, կուտեմ»:

6. Աղուէսն էլ էր ուտում, բայց միշտ վազում էր դէպի այն ծակը, որով նոքա ներս էին մտել, և փորձ էր փորձում, որ տեսնէ, թէ փորն

այնքան չի տուել որ կարողանայ անցնել: «Մի՛րելի՛ աղուէս, ասաց գայլը, ինչու համար ես դու անդադար դուրս վազում ու ներս գալիս»: Ես գնում եմ, տեսնեմ թէ մարդ չի՞ գալիս արդեօք», պատասխանեց խորամանկ աղուէսը: Բայց զիւղացին լսել էր նոցա ձայնը. մի մեծ մահակ առաւ ու գնաց մառանը: Աղուէսը նորան տեսաւ թէ չէ, իսկոյն դուրս սողաց ու փախաւ: Գայլը նոյնպէս ուղեց նորա ետեւից դուրս թռչել, բայց նորա փորը այնքան հաստացել էր, որ փնաց ծակումը: Գիւղացին իւր մահակով այնքան ծեծեց գայլին, որ նա սատկեց: Բայց աղուէսը փախաւ, գնաց անտառ և շատ ուրախացաւ որ ազատուեցաւ այդ աչքածակ գայլից:

9. ԵՐԱԺԻՇՏՆԵՐ.

1. Եղել է, չի եղել մի մարդ. սա ունէր մի էշ, որ երկար տարիներ ծառայել էր նորան, իսկ այժմ բոլորովին ծերացել էր և ոյժից ընկել: Տէրը տեսնելով որ իւր էշը այլևս մի բանի պէտք չի գալիս, նորան էլ չէր ուղղում կերակրել և ուղղում էր մորթել և կաշին հանել: Բայց էշը այդ բանը նկատեց, զլուխ վեր առաւ, փախաւ գնաց:

2. Գնաց, գնաց, ճանապարհին պատահեց մի որսկան շան: Այս շունը ախպէս հեհեռում էր, ինչպէս մի մարդ, որ երկար ժամանակ վազել էր: «Ինչո՞ւ համար ես հեհեռում շուն եղբայր, հարցրու էշը: «Ա՛խ, պատասխանեց շունը, որովհետեւ ես այժմ ծեր եմ և այլ ևս չեմ կարող որսի գնալ, իմ տէրս ուզում էր ինձ մորթել, որ էլ կերակուր չտայ ինձ. այս պատճառաւ ես էլ գլուխ վեր առի ու փախայ: Բայց չեմ իմանում թէ ինչպէս պիտի հաց ճարեմ»: — «Գիտես՞ ինչ կայ, ասաց էշը, ես գնում եմ այս ինչ քաղաքը երաժիշտ դառնալու, արի ինձ հետ ընկերացիր, գնանք միասին: Իսկ զուռնայ կածեմ, դու էլ թմբուկ կը զառնես»: Շունը համաձայնուեցաւ և երկուքեան ընկեր դարձան ու գնացին:

3. Շատ գնացին, քիչ գնացին, ճանապարհին պատահեցան մի կատուի: «Բարեւ, կատու եղբայր. ինչո՞ւ համար երեսդ այդպէս կծրխրածած է», հարցրու էշը: Ո՞վ է կարող ուրախ լինել իմ տեղս. որովհետեւ ես այժմ ծերացել եմ, բոլոր առամներս թափուել են և այլևս չեմ կարողանում մոկկը որսալ, այլ առաւել կը ցանկանայի վառարանի քամակին պառկած մնալ, այդ պատճառաւ իմ տան տիկինս ուզում էր իմ վզիցս մի բար կապել, ձգել ջրի մէջ և

խեղդել: Թէ՛ւ ես այժմ փախել եմ ազատուել այդ մահից, բայց չեմ իմանում, ինչ անեմ, ուր գնամ». — «Երկու չլինինք, երեք լինինք, ասաց էշը, արի, գնանք այս ինչ քաղաքը երաժիշտ լինելու»: Կատուն համաձայնուեցաւ և երեքը միասին շարունակեցին իւրեանց ճանապարհը:

4. Շատ գնացին, քիչ գնացին, ճանապարհին պատահեցան մի աքաղաղի, որ կանգնած իւր տան դռան առաջին կանչում էր ինչքան ոյժ ունէր: «Ինչո՞ւ համար ես այդպէս աղաղակում, աքաղաղ եղբայր, հարցրու էշը, ի՞նչ է պատահել քեզ»: «Ել ի՛նչ պիտի պատահի, ասաց աքաղաղը, վաղը իմ տան տիրոջ տօն օրն է, շատ հիւրեր են կանչուած: Այս պատճառաւ տան տիկինը հրամայել է խոհարարին, որ ինձ այս երեկոյին մորթէ և վաղուան համար խորոված պատրաստէ»: — «Հոգս մի՛ անիր, ասաց էշը, երեք չլինինք, չորս լինինք. դու լաւ ձայն ունիս. արի՛ մեզ հետ գնանք երաժիշտ դառնանք»: Աքաղաղը համաձայնուեցաւ և բոլորեքեանք միասին ճանապարհ ընկան գնացին:

5. Շատ գնացին, քիչ գնացին իրիկնապահին եկան հասան մի անտառ և վճռեցին գիշերը այստեղ անցկացնելու: Եշն ու շունը պառկեցին մի մեծ ծառի տակ, կատուն վեր ելաւ, նստեց

մի ձիւղի վերայ, իսկ աքաղաղը բարձրացաւ ու թառ ելաւ ծառի գազաթին: Այստեղից աչք ածեց իւր չորս կողմը, հեռուով տեսաւ մի լոյս և կանչեց իւր ընկերներին: «Մեզից ոչ շատ հեռի մի առն ալիտի լինի, որովհետեւ այնտեղ ես մի լոյս եմ տեսնում»: Եւ ասաց. «Աեր կացէք զնանք այնտեղ, էլի մի բան կը գտնենք ուտելու. այստեղ վատ է»:

6. Բոլորեքեանք վեր կացան, ճանապարհ ընկան զնացին դէպի այն կողմը, որտեղ լոյս էր տեսնուում: Լոյսը փոքր առ փոքր մեծանում էր ու մեծանում: Շուտով նոքա եկան հասան մի աւազակների որջի: Եւ ամենից մեծն էր. նա զնաց պատուհանից նայեց, որ տեսնէ թէ ինչ կայ: Երբ վերադարձաւ, աքաղաղը հարցրաւ. «Ի՞նչ կայ, ինչ՞ չկայ այնտեղ»:— «Ի՞նչ կայ, պատասխանեց էւր, մի սեղան, վերան դեղեցիկ կերակուրներ ու խմիչքներ շարած, չորս կողմը աւազակները նստոտած, ուտում են ու խմում»: Այս որ լսեցին, բոլորեցունց բերանի ջուրը վազեց: Աքաղաղն ասաց. «Ինչ լաւ կը լինէր, որ այդ բոլորը մեր առաջին շարուած լինէր»: Այո՛, այո, ասաց էւր, փորերնիս փոքր ինչ կը կշտանար»: Խորհուրդ արին, թէ ինչ անենք, որ աւազակներին այդ տեղից դուրս փախցնենք: Շատ մտածեցին, քիչ մտածեցին վերջը վճռեցին, որ

էւր իւր առաջին երկու ոտների վերայ կանգնէ, պատուհանի առաջ, շունը վեր ելնէ, նրստէ նորա մէջքին, կատուն բարձրանայ շան վերայ, իսկ աքաղաղը թռչէ նստէ կատուի գլխին:

7. Ինչպէս վճռեցին, այնպէս էլ կատարեցին: Յետոյ բոլորեքեանք միասին սկսեցին աղաղակել ինչքան կարող էին: Եւր զըռուում էր, շունը հաջում էր, կատուն մլաւում էր, իսկ աքաղաղը կանչում էր: Յետոյ բոլորեքեանք միասին պատուհանով դուրս եցան, ընկան սենեակի մէջ, այնպէս որ պատուհանը ցած ընկաւ ու փշրուեցաւ: Աւազակները կարծելով թէ եկել են իրանց բռնելու, վախից թողեցին փախան անտառ: Այժմ չորս ընկերն էլ սեղան նստեցին և այնքան կերան խմեցին, որ կարծես թէ մի ամիս ոչինչ կերած չը լինէին:

8. Փորերնին լաւ կշտացնելուց յետոյ ճրագը հանգրքին և պառկեցին քնելու: Եւր պառկեց բակումը՝ աղբի վերայ, շունը դռան քամակին, կատուն կրակարանի տաք մոխրի վերայ, իսկ աքաղաղը վեր ելաւ նստեց թառի վերայ և երկար ճանապարհից գաղբած լինելով շուտով քնաւ անցան:

9. Կէս գիշերին աւազակապետը հեռուից տեսնելով սր տանը էլ ճրագ չկայ և ոչինչ ձայն էի դուրս գալիս, ասաց մի աւազակի. «Գնա՛,

տե՛ս ի՛նչ կայ ի՛նչ չը կայ մեր տանը»: Աւազակը եկաւ տեսաւ ձայն ծագում չկայ. գնաց խոհանոցը և ուզում էր ծրագ վառել: Բայց կարծելով թէ կատուի աչքերը խանձող է, մի լուցկի առաւ, դրաւ նորա աչքի վերայ որ ծրագ վառէ: Բայց կատուն յանկարծ թռաւ նորա երեսին և մի լաւ ճանկոտոեց: Աւազակը սաստիկ վախեց և ուզում էր փախչել, բայց շունը, որ այնտեղ պառկած էր, յարձակուեցաւ նորա վերայ և խածոտեց ոտը: Նրբ ուզում էր բակով փախչել, էջը իւր երկու յետի ոտնով մի սարսափելի տքացի տուաւ նորան, իսկ աքաղաղը, որ այդ ձայնից արթնացել էր, դարպասի վերինից կանչեց «ծուրրուդո՛ւ»:

10. Աւազակը ինչքան ոյժ ունէր, փախաւ գնաց իւր աւազակագետի մօտ և ասաց. «Ա՛խ, մեր տանը մի օշափ կայ նստած. նա իմ երեսս ճանկոտոեց: Դռան առաջին կանգնած է մի մարդ, իւր ձեռին մի դանակ բռնած. նա իմ ոտս ծակեց: Բակումը պառկած է մի սև այլանդակ ծիւաղ. նա մի մեծ, հաստ գաւազանով այնպէս խփեց, որ քիչ մնաց թէ տեղս մնայի: Իսկ վերև, տանիքի վերայ, նստած է մի դատաւոր, որ կանչում էր. «Բռնեցէ՛ք, բերէ՛ք ինձ, այդ աւազակին: Մեծ դժուարութեամբ փախայ ու ազատուեցի»:

Նալ իւրեանց տունը և թողեցին ու գնացին մի ռերիշ աշխարհ: Իսկ մեր չորս երաժիշտներին այնպէս հաւանուեցաւ այս տունը, որ էլ չուզեցին այդ տեղից հեռանալ:

10. ՀԱՐՈՒՍ ԵՒ ԱՂՔԱՏ.

1. Կար, չկար մի ժամանակ, երբ Աստուած բնակում էր երկրիս վերայ, մարդկանց մէջ: Մի անգամ նա ուզեց բոլոր աշխարհս պտտել և փորձել թէ ո՛վ ինչպէս է ապրում: Մի օր վաղ առաւօտեան ճանապարհ ընկաւ, գնաց, գնաց և դեռ օթեփանին չըհասած, գիշերը վրայ հասաւ: Ճանապարհին նորա առաջը դուրս եկան երկու տուն, որոք կանգնած էին մէկը միւսի դիմացը: Դոցանից մէ՛ը մեծ էր ու գեղեցիկ, միւսը փոքրիկ ու վատ: Մեծը մի հարուստի էր, փոքրիկը մի աղքատ մարդի: Աստուած մտածեց. «Հարուստին ես ծանրութիւն չեմ լինիլ, առաւել լաւ է նորա մօտ կ'իջեալ նեմ»: Ասաց և դուռը թխկթխկացրաւ: Հարուստը լսելով այդ թխկթխկոցը, բացաւ պատուհանը և հարցրաւ օտարականին. «Ի՞նչ էք ուզում»: Աստուած պատասխանեց. «Խնդրում եմ ինձ մի տեղ տաք գիշերելու»: Հարուստը ճանապարհորդին ոտից մինչև գլուխ մի լաւ

տնտղեց, տեսաւ որ Աստուած իւր հագին զեղեցիկ զգեստներ չունի, ուստի նա աղքատ պիտի լինի: Եւ իւր գրպանում շատ փող չպիտի ունենայ: Այդ պատճառաւ գլուխը շարժեց եւ ասաց. «Յս չեմ կարող ձեզ ընդունել: բոլոր իմ սենեակներս լիքն են ցորենով: Եթէ ես ամեն իմ դուռս ծեծողի ներս ընդունելու լինիմ, ինքն էլ ձեռքս պիտի առնեմ աղքատի ցուպը: Մի ուրիշ տեղ որոնեցէք ձեզ համար»: Ասաց, փակեց պատուհանը եւ թողեց Աստուծոյ այնտեղ կանգնած:

2. Աստուած էլ իւր երեսը դարձրաւ նորանից. գնաց գէպի միւս աղքատիկ տունը եւ ծեծեց դուռը: Հենց խփեց դուռը թէ չէ՛, աղքատը իսկոյն եկաւ, բացաւ դուռը եւ ասաց. «Ներս հրամայեցէք, խնդրեմ արդէն մուտք կոխել է եւ դուք այլեւս չէք կարող յառաջ գնալ: Դա շատ հաճոյ թուեցաւ Աստուծոյ եւ նա ներս մտաւ: Աղքատ մարդը նորան ներս տարաւ եւ ասաց. «Իարե եկաք, հանուեցէք եւ հանգստացէք: Գուք պիտի մեզ ներէք. մենք ձեզ լաւ յարգել չենք կարող: Ինչ անենք, աղքատ ենք, բայց ինչ որ ունիք ամենայն սիրով կը տանք»: Նա կանչեց իւր կնոջը եւ ասաց. «Այ կին, ջուր բեր, մեր հիւրի գլուխը եւ ոտները լուացի՛ր. հեռու ճանապարհից է գալիս»: Կինը ջուր դը-

րաւ, տաքացրաւ եւ բերաւ իւրեանց հիւրի ոտներն ու գլուխը լուացաւ: Գորանից յետոյ գնաց ընթրիք պատրաստեց բերաւ:

3. Շատ բան չունէին. եղածը մի քանի ձու էր եւ իւրեանց այծի կաթից շինած մածուկը: Երբ սեղանը պատրաստուեցաւ, Աստուած նստեց եւ նոցա հետ միասին կերաւ խմեց մեծ ուրախութեամբ, թէեւ պատրաստած կերակուրները շատ էլ համեղ չէին: Ընթրիքը ուտելուց յետոյ, երբ քնելու ժամանակը եկաւ, կինը կանչեց իւր մարդին մի կողմ եւ գաղտնի ասաց նորան. «Լսի՛ր, իմ սիրելիս, մենք մեր հիւրի համար անկողին չունինք. խեղճը հեռու ճանապարհից է գալիս, դադրած է. մենք մեր անկողինը տանք նորան, իսկ մեզ համար յարդից մի ներքնակ շինենք, մէջը պառկենք»: «Շատ աւ, պատասխանեց նա, ես նորան այդ կ'առաւ լջարկեմ»: Աղքատ մարդը գնաց Աստուծոյ մօտ եւ ասաց. «Խնդրեմ հրամայեցէք եւ պառկեցէք այս գիշեր մեր անկողնի մէջ, դուք հեռու ճանապարհից էք գալիս, դադրած էք, ձեզ հարկաւոր է, որ մի լաւ քնէք ու հանգստանաք»: Բայց Աստուած հրաժարուեցաւ, չէր ուզում ծեր մարդուն ու պառաւ կնոջ գրկել իւրեանց հանգստութիւնից, սակայն սոքա նորան բաց չթողին, մինչեւ որ չհամաձայնուեցաւ նոցա

անկողնում պառկել: Իսկ նորա ինքեանք իւրեանց համար յարդից անկողին շինեցին գետնի վերայ, պառկեցին մէջը և քուն եղան: Միւս առաւօտեան նորա վաղ, ծագը ծագին վեր կացան և իւրեանց հիւրի համար մի համեղ նախաճաշիկ եփեցին:

4. Նախաճաշիկը ուտելուց յետոյ ողորմած Աստուածը վերկացաւ և ուզում էր շարունակել իւր ճանապարհը: Բայց երբ հասան դռանը, երեսը դարձրաւ դէպի նոցա և ասաց. «Որովհետեւ դուք այդքան բարեսիրտ էք ու առաքինի, ինձնից երեք բան խնդրեցէք. ինչոր խնդրէք, ես կը կատարեմ»: Աղքատ մարդը ասաց. «Ինչ պիտի խնդրեմ. յաւիտենական արքայութիւն, և մեր երկուսիս համար առողջութիւն և օրական հաց. այս երկու խնդիրը որ կատարէք մենք շատ ու շատ գոհ կը մնանք»: Բարերար Աստուածը ասաց. «Դուք չէ՞ք ցանկանալ ձեր ծերութեան օրերում մի նոր տուն, ունենալ»: Աղքատ մարդը պատասխանեց. «Այո, եթէ դա էլ ստանայի, ես շատ երջանիկ կը լինէի աշխարհիս երեսին»: Աստուած կատարեց նոցա խնդիրքը. նա հրամայեց և աղքատ մարդն ու կինը աչքերնին բացին ու տեսան մի գեղեցիկ, նոր տան մէջ նստած: Ինչքան որոնեցին, որ Աստուածանից շնորհակալ լինին, բայց նորան

էլ չգտան:

5. Արդէն արեգակը բաւականին բարձրացել էր, երբ հարուստը արթնացաւ, եկաւ, բացաւ լուսամուտները փեղկերը և ինչ տեսնէ. իւր առաջին կանգնած է մի գեղեցիկ, նոր տուն, մեծ մեծ լուսամուտներով, ուղիղ այնտեղ, ուր որ առաջ կանգնած էր մի հին խրճիթ: Նա աչքերը պղծած, երկար ժամանակ նայում էր զարմացած: Վերջապէս երբ ուշքը զուլար ժողովեց, կանչեց իւր կնոջը և ասաց. «Տէ, տես թէ ինչ է պատահել: Դեռ երեկի երեկոյի այնտեղ կանգնած էր մեր դրացու հին ու կիսակործան խրճիթը, իսկ այսօր նորա տեղ մի գեղեցիկ ու նոր տուն: Վազիր, գնա՛ նոցա մօտ և իմացիր թէ այդ ինչպէս է եղել»: Աինը վազելով գնաց և հարցրաւ աղքատ մարդուն: Նա պատմեց թէ, երեկի երեկոյի մեզ մօտ եկաւ մի օտարական և դիշերեց մեր տանը: Այսօր առաւօտեան երբ բարեւ մնա՛ էինք անում: Նա կատարեց մեր խնդիրքը. խոստացաւ մեզ յաւիտենական արքայութիւն, առողջութիւն և օրական հաց. բացի դորանից մեր հին խրճիթի փոխարէն պարգեւեց մեզ մի նոր տուն»: Հարուստի կինը հենց որ այս լսեց, վաղեց եկաւ իւր մարդին բոլորը պատմեց: Մարդը ասաց. «Ինձ ծեծել և սպանելը տեղն է: Ախ, եթէ ես ի-

մանայի: Օտարականը առաջ եկաւ իմ մօտ և ես նորան չընդունեցի»: Կինը ասաց. «Շուտ արա՛, նստի՛ր քո ձիդ, գնա՛, հասի՛ր այն մարդի ետեւից, և հիւր բեր մեր տունը, որ քո երեք ցանկութիւնդ էլ կատարէ»:

6. Հարուստը շուտ շուտ թամբեց իւր ձին, նստեց և սկսեց մտրակել: Որ կարողանայ հասնել բարերար Աստուծոյ ետեւից: Գնաց, գնաց, վերջը հասաւ ձիից վայր իջաւ, երեք անգամ գլուխ տուաւ և ասաց. «Ներողութիւն եմ խնդրում ձեզնից, հազար ներողութիւն, որ ես երեկի երեկոյն ձեզ ներս չընդունեցի. ես գնացի որոնելու տան բանալին, բայց երբ դարպասը բացի, տեսայ որ դուք արդէն գնացել էք: Եթէ մի անգամ էլ գալու լինիք, պիտի իմ մօտ իջնէք»: «Լաւ, ասաց ողորմած Աստուածը, եթէ մի անգամ էլ գալու լինիմ, այդպէս կանեմ»: Հարուստը ասաց. «Կարո՞ղ եմ ես նոյնպէս երեք բան ցանկանալ: Ինչպէս և իմ դրացիս»: «Այո՛, ասաց բարերար Աստուածը, դու այդ կարող ես, բայց լաւ կանես որ ոչինչ չցանկանաս»: Բայց հարուստը ասաց. «Եթէ ես իմ մանայի թէ իմ ցանկութիւններս կը կատարուին, ես մի բան կը ցանկանայի, որ ինձ բախտաւոր շինէր»: Բարերար Աստուածը ասաց. «Լաւ, գնա՛ տուն», քո երեք ցանկութիւնդ էլ

կը կատարուի»:

7. Հարուստը ուրախ ուրախ ձի նստեց և դարձաւ դէպի տուն, մտածելով թէ ինչ ցանկանայ, որ առաւել հարուստ ու բախտաւոր լինի աղքատից: Այդպէս մտքումը խորասուզուած գնալիս նա իւր ձեռքից բաց թողեց ձիի երասանակը. ձին սկսեց յետին ոտների վերայ ոստոսալ: Նա նորա վիզը շփում էր և ասում. «Հանգստացի՛ր, հանգստացի՛ր իմ թռչնիկս», բայց նա միշտ իւր տիրոջ հակառակ էր գործում: Վերջապէս տէրը ձանձրացաւ և երբ ձին էլի յետին ոտների վերայ ծառացաւ, բարկացած կանչեց. «Բէ՛ որ այդպէս է, դու ինքդ քո գլուխդ ուտես»: Այդ ասաց թէ չէ, թրախկ, ձին ընկաւ ու սատկեց: Այսպէս ահա կատարուեցաւ նորա առաջին ցանկութիւնը: Բայց հարուստը այնքան աչքածակ էր, որ չէր ուզում ձիի թամբը թողնէ ու գնայ. նա յետ արաւ, շալակեց ու գնաց:

8. Նորա ճանապարհը այնքան աւագուտ էր որ ոտները խրւում էին մէջը. արեգակն էլ միւս կողմից էր այրում նորան: Շատ դժուարութեամբ էր փոխում իւր քայլերը: Այդպէս գնալով նա մտածում էր. «Ինձ մնում է դեռ երկու ցանկութիւն. ես էլ այնպիսի բան կը ցանկանամ, որ աշխարհիս երեսին էլ ինձ համար ցանկա-



նալու բան չմնայ»։ Երբեմն երբեմն նա կարծում էր որ ահա գտաւ։ Բայց յետոյ նրան թւում էր թէ չէ, այդ քիչ է։ մի առաւել լաւ բան ցանկանամ։ Այդպէս մտածելով զնա լիս յանկարծ միտն ընկաւ իւր կինը։ Դա նորան շատ վշտացրաւ և առանց իմանալու ասաց. «Այս ի՞նչ է. ես պիտի այս խոր աւազի միջով, այս տաք արևի տակ թամբը շալկած տնքտնքալով զնամ, իսկ իմ կինս մի հովսենեակի մէջ քէփ է անում. ա՛յ քո տեղդ նստած մնաս, հա՛»։ Նա այս ասաց թէ չէ, յանկարծ թամբը մէջքից թռաւ և նա տեսաւ, որ երկրորդ ցանկութիւնն էլ կատարուեցաւ։

Գ. Դա նորա աչքը շատ վախեցրաւ. նորա սիրտը սարսափ ձգեց և նա սկսեց վազել։ Նա ուզում էր որչափ կարելի է շուտով տուն հասնէ, իւր սենեակում նստէ և իւր վերջին ցանկութեան վերայ մտածէ։ Բայց երբ տուն հասաւ և սենեակի դուռը բացաւ, տեսաւ որ իւր կինը նստած այն թամբի վերայ և չէր կարողանում տեղից շարժուիլ. աղաղակում էր ու լաց լինում։ Մարդը ասաց. «Հանգիստ կացիր, ես ուզում եմ ձեռք բերիլ աշխարհիս բոլոր հարստութիւնները, միայն մնացիր այդտեղ նստած»։ Բայց նա պատասխանեց. «Ի՞նչ օգուտ աշխարհիս բոլոր հարստութիւնից, եթէ ես պիտի մնամ

նստած այս թամբի վերայ. դու ես սորա պատճառը, դու էլ պիտի ինձ սոլանից ազատես»։ Մարդը չէր իմանում ինչ անէ, ցանկանայ այդ թէ ոչ. բայց տեսնելով կնոջ լաց ու կոծը, ստիպուած էր ցանկանալ, որ և խկոյն կատարուեցաւ։

10. Երբ կինը կրկին ոտի կանգնեցաւ, ձեռները կողքին դրաւ և ասաց. «Դու շատ յիմարն ես եղել. ես քեզնից լաւ արած կը լինէի»։ Այսպէս ահա հարուստը իբրեւ վարձ ստացաւ չարշարանք, կոիւ, նախատինք և կորցրաւ իւր ձին, իսկ աղքատները ապրում էին սիրով, խաղաղ և սրբութեամբ մինչև իւրեանց կեանքի վերջը։

Վ Բ Ի Պ Ա Կ Ն Ե Ր.

ԳԴՆ	Երեւ	Իււլ	Պրիւ
14	3	ուսուցիչի	ուսուցչի
13	4	դալ	դալ
10	9	քեղ	քեղ
6	12	յիւրկինս	յիւրկինս
5	14	պաճկոն	բաճկոն
13	45	ան	ջնջել
22	45	սկսեց	սկսեց
1	47	կարչի կար	կարի չք կար
17	48	աստեղերը	աստղերը
21	57	ձեղ	ձեղ
3	60	շնորհակալութեան	շնորհակալութեան
14	60	վսղելով	վաղելով



ԳԻՆՆ Է 20 ԿՈՊԵԿ.

Վաճառվում է 2. Գրիգորեանի Գրաւաճա-
ռանոցում:

Հայաստանի Հանրապետության
Հայագիտական գրադարան



MAL005624

